



~~C.A. 9-4~~ 53-6



227  
85



11 R N







EDUARDI CORSINI

CL. REG. SCHOLARUM PIARUM

IN ACADEMIA PISANA

HUMANIORUM LITTERARUM

PROFESSORIS

D E

MINNISARI

ALIORUMQUE ARMENIAE REGUM

NUMMIS

ET ARSACIDARUM EPOCHA

DISSERTATIO.



LIBURNI MDCCLIV.

Typis ANTONII SANTINI & SOCIORUM  
*Superiorum permissu.*



EDUARDI CORPUS

MUSEI HISTORICO-NATURALIS

MUSEI HISTORICO-NATURALIS

MUSEI HISTORICO-NATURALIS

MUSEI HISTORICO-NATURALIS

MUSEI HISTORICO-NATURALIS



MUSEI HISTORICO-NATURALIS



MUSEI HISTORICO-NATURALIS

MUSEI HISTORICO-NATURALIS



NOBILI VIRO  
PHILIPPO VENUTO

PRAEPOSITO ECCLESIAE LIBURNENSI  
ET REGIAE HUMANARUM LITTERARUM,  
ET INSCRIPTIONUM

PARISIENSIS ACADEMIAE SOCIO

EDUARDUS CORSINUS

ACADEMICUS ETRUSCUS

FELICITATEM.



Ides quam facile & dignitati, &  
voluntati tuae morem gesserim, VENUTI  
Clarissime, dum officii, ac promissi me-  
mor hunc Regem, quem mihi iampridem  
spectandum, atque illustrandum obieceras,  
diademate quidem suo, regioque titulo  
insignem; sed nova tamen luce, meliori-  
que, ut opinor, cultu a me exornatum



ad Te redire nunc patior. Ita nimirum barbari, atque ad hanc usque diem incogniti Regis nomen, regnum, aetatem, fortunam, quae densa fere caligine circumsepta fuerant, in lucem extulo, ut ille nunc demum Regibus aliis inferi, eiusque Nummus in posterum una cum ceteris eruditae Antiquitatis cimeliis Eruitorum oculis obversari iam debeat. An vero ego rite feliciterque haec omnia praestiterim, accuratiores alii facile intelligent; Tuque omnium maxime iudicare profecto poteris, quippe qui ingenio, doctrina, atque accurata Nummorum, aliorumque veterum Monumentorum cognitione mirifice excellis; ideoque in hoc pulcherrimo, gravissimoque studiorum genere eximiam prorsus laudem non Italiae solum, sed exterarum quoque Gentium consensione es consecutus. Nihil est sane quod in exprimenda praesertim Numismatis facie, eiusque characteribus accurate exsculpendis optandum reliquerim. Etenim non modo ectypam ipsius imaginem diligenter expressi, quae olim Romae excepta a Te fuerat, dum Nummus



ipse a Palatio non inglorio Antiquitatis  
 cultore asservabatur, mihiq̃ue perhuman-  
 iter concessa a Te fuit; verum etiam  
 imaginem ipsam cum argenteo Nummo  
 conferre mox volui, quem in uberrimo,  
 ditissimoque rariorum Numismatum the-  
 sauro Stoschiano Florentiae conspexi.  
 Haec omnia tamen, ut optime intelligis,  
 facile praestari a me poterant; simulque  
 veteris Historiae praesidio Rex aliquis in-  
 veniri, cui typus, ornatus, symbola, cha-  
 racteres omnes huic Nummo insculpti ad-  
 scribendi viderentur. Id vero molestius,  
 longeque, ut ingenue fatear, difficilius  
 profecto fuit aeram illam exponere, quae  
 Nummo inscripta conspicitur, ideoque in  
 Parthica Arsacidarum epocha annum il-  
 lum inquirere, qui tum numeralibus hi-  
 sce notis, tum Minnifari Regis aetati  
 iam ex Historicis exploratae conveniret.  
 Ea nimirum intelligi, simulque componi  
 vix poterant, nisi Traiani Caesaris iter in  
 Parthos susceptum sexennio antiquius pro-  
 baretur, quam communis, & constans  
 eruditorum hominum sententia ferat;  
 praesertim vero celeberrima Arsacidarum



iudicio tuo ornaveris, alacrius ad cetera proferenda ego incendar, quae iampridem de plurimis Graecarum Urbium Nummis adnotavi, ut ipsarum series a Cl. Harduino contexta, additis centum ac quinquaginta Urbium aliarum Nummis, quae in ipso desiderantur, uberior, atque illustrior habeatur. Interim vero quaeso obtestorque ut exiguum hoc observantiae in Te meae, simulque memoris gratique animi monimentum, ea qua cetera complecti soles humanitate complectaris, meque tui amantissimum amare pergas.

Pisis nonis Decembribus anni 1753.





S. I.

*Minnisari Armeniae Regis Nummus,  
atque Aera ipsi inscripta,  
exposita Regis huius aetate, ac fortuna,  
explicatur.*

**M**innisari Regis Nummus, quem ipse omnium primus in lucem hic profero, argenteus, ac tetradrachmus est: cuiusmodi fere plerique Parthorum, atque Armeniorum Regum Nummi esse solent. In principe, vel antica eius facie senile Regis caput diademate ornatum, promissis capillis, longaue barba insigne conspicitur; in adversa vero vir nudus veluti cippo insidens exhibetur, qui sinistra quidem ad cippum demissa ipsi insistere videtur; dextera vero elata clavam ad dextrum usque genu pertingentem ipsique fere incumbentem suspensam tenet. In sinistra areae parte characteribus a summo ad imum tendentibus in extimo quidem versu legitur. . ΑϞΙΑ . . in interiori vero MINNICAΠ . . in dextra autem ante sedentis viri faciem litteris item superne descendentibus ΣΩTHIP. .  
A infra



infra sedentis viri pedes characteres ΤΑΓ; inter elatam dextram, ipsique subiectum genu character K; denique prope sedentis vultum monogramma [Α] impressum conspicitur: ut proinde, sublatis erroribus, suppletisque lacunis, integra inscriptio esse debeat ΒΑΣΙΛΕΥΣ ΜΙΝΝΙΣΑΡΟΥ ΣΩΤΗΡΟΣ. ΤΑΓ. *Regis Minnisari Servatoris*. Anno 333.

Si Regis facies huic Nummo impressa cum ceteris hactenus vulgatis Regum vultibus conferatur, nulli propemodum similis deprehendi illa poterit; quamvis promissa coma, barba, ac diadema in plerisque Arfacidarum Nummis occurrant. Hic ipse tamen adversae partis typus in duplici *Monnesis* Parthorum, sive Armeniorum Regis Nummo conspicitur; quorum alter a Vaillantio (a) cum epocha ΤΚΒ. alter a Maffeo (b) describitur cum epocha ΤΚΕ. atque in utroque legitur ΒΑΣΙΛΕΥΣ ΜΟΝΝΗΚΟΥ ΣΩΤΗΡΟΣ *Regis Monnesis Servatoris*; ac Vaillantius optime existimavit in adversa Nummi facie Herculem cippo insidentem, clavamque laeva (dextra dicendum erat) gestantem exhiberi. Itaque haec maxima affinitas, quae inter *Monnesis* ac *Minnisari* Nummos reperitur, sive diadema, crines, & barbam, sive potius characterum ordinem, situm, atque aeram, praesertim vero adversae partis typum consideres, facile, ut opinor, certoque ostendit *Minnisarum* hunc Armeniae, aut Parthiae Regibus accensendum esse, quibus Monneses ipse Vaillantio, ac Maffeo iudice adscribi debet.

Nihil est autem cur in inquirendis causis hic immorer, quibus in Monnesis, ac Minnisari nostri Nummo *Herculis* effigies insculpta fuit. Facile nimirum hoc ad veterem constantemque famam referri poterit, quia Armenii a Thessalis criundi dicebantur (c), adeoque facile

(a) *Histor. Arfacid.* p. 339. & *Gesn. Tab. I.* num. 26.

(b) *Gall. Antiqu. Epist.* 22. pag. 114.

(c) *Strab. Lib. XI.* pag. 530. *Iustin. Libr. 42.*



facile cū ritibus aliis Herculis quoque cultum ad Armenios, ac Parthos transfuisse videntur. Fortasse tamen verisimilius uterque Rex, qui ΣΩΤΗΡΟΣ *Servatoris* titulo gloriabatur, *Herculem* in Nummis expressit, qui mortalium plurimos tyrannidis, ac servitii iugo pressos liberavit, ipsorumque *Servator* vocari meruit. Quicumque vero caractere K, qui in Minnisari Nummo conspicitur, urbem illam designatam existimet, in qua Nummus cusus fuerit, is facile plures in Parthia, Mesopotamia, aut Armenia urbes inveniet, quarum nomen ab eo caractere exordiat; cum certe character ille nota numeralis esse non possit, qua annus ab inito regno designetur, ut inferius demonstrabitur; ceteraeque litterae Π Α simul implexae non aliud, quam artificis aut monetarii nomen, contineant.

Quandoquidem vero in Scriptoribus, ac monimentis aliis, quae ad haec usque tempora pervenerunt, nullibi sane *Minnisari* nomen occurrit, sed a Dione solum *Manisarus* quidam Armeniae, ac Mesopotamiae Rex memoratur; ac Minnisari nostri aetas, aera nempe Nummo inscripta, cum ejus Manisari aetate mire conspirat, nullus propemodum dubito, quin Nummus iste, quem illustrandum suscepi, ad Manisarum Armeniae Regem a Dione memoratum referri debeat.

Ut autem id clariori quo poterit ordine demonstretur, simulque Minnisari nostri nomen, aetas, regnum, ac fortuna accuratius ostendatur, ex variis Parthicae simulque Romanae historiae Scriptoribus observasse iuverit quod primis fere Traiani Augusti temporibus, qui anno V. C. 851. imperium suscepit, Pacoro Parthorum Regi *Chosroes*, (a) aut *Cosdroes*, (b) sive ut ab aliis vocatur, *Osroes* (c) successit; quemadmodum Tiridati, qui Armeniae regnum anno V. C. 819. a Nerone obtinuerat, Exedares filius successerat. Exedarem autem hunc *Chosroes* Parthorum rex Armeniae

A 2

spo-

(a) Vid. Vaill. p. 305.

(b) Aurel. Vict.

(c) Dio Lib. 68. &amp; Excer. Legat. num. 56.

spoliavit, ut regnum illud Parthamafiridi tribueret, qui ex Dione quidem Pacori filius, & Chofrois ex fratre nepos videtur; sed vere tamen, ut emendato Dionis textu ostendit Tillemontius (a), Chofrois eiusdem frater erat: quum Chofroes ipse non Vologesis, ut ex depravato Dionis loco putavit Vaillantius, sed Pacori filius esset. Quum vero Traianus imperii Romani iura, ac maiestatem violatam esse censeret quod Armeniae Rex Parthamafiris (non Exedares, ut putavit Tillemontius) a Parthis intrusus, non a Caesare electus esset, anno V. C. 859. in Orientem bellum Parthis illaturus concessit; dumque Athenis degeret, a Chofrois tum munera, tum Legati advenere, qui Chofrois quidem pacem, Parthamafiridi vero regiam Armeniae coronam impetrarent; quod Exedares neque in Parthis, neque in Romanos officii memor, adeoque merito expulsus diceretur. Traianus autem, repudiatis Parthorum muneribus, Legatis respondit se, cum deum Syriam invisisset, ea, quae fieri par foret, curaturum. Deinde vero memorat Dio quod Traianus tum Abgari, tum Manni Legatos audivit; Parthamafiridis vero litteras, quas ille prius adhibito, mox dissimulato Regis titulo ad Caesarem dederat, contempsit; quumque ipsum Traianus Elegiam Armeniae urbem adveniens excepisset, omnem retinendi regni spem ipsi adempsit, quippe qui diceret Armeniam non alteri, quam Romano Populo, se concessurum. Itaque praesidio opportunis Armeniae locis imposito Traianus Edeffam venit, ibique primum Abgarus Osrohenes, quae Mesopotamiae pars est, Phylarchus aut Regulus Traianum adivit, quod antea facere detrectaverat, (b) ὅς περ ὁ Μάρκος ὁ τῆς Ἀραβίας πλυσιοχώρῃ, ὁ Σποράκης ὁ τῆς Ἀνθεμυσίας φύλαρχος ut Mannus Arabiae finitimae, & Sporaces Anthemysiae in Mesopotamia Phylarchus. Interim vero Dione (c) teste τῷ Τραϊανῷ εἰς Μεσοποταμίαν ἐλθόντι.

(a) Hist. Imper. in Traian. art. 28. & not. 18. (b) Dio Lib. 55. (c) Libr. 59.



ἐλθόντος, καὶ τῷ Μάννῃ ἐπικηρυκευσαμένῃ, καὶ τῷ Μανι-  
 σαρῇ Πρέσβεις ὑπὲρ εἰρήνης, διὰ τὸ τὸν Οὐρόν ἐπι-  
 στρατεύειν αὐτῷ πέμψαντος, καὶ τῆς τε Ἀρμενίας, καὶ τῆς  
 Μεσοποταμίας ἐαλωκυίας ἀποσῆναι ἐτοιμῶς ἔχοντος,  
 ἕτε ἐκείνῳ πιστεύσειν τί ἔφη πρὶν ἀνελθὼν πρὸς αὐτὸν,  
 ὥσπερ ὑπισχεῖτο, τοῖς ἔργοις τὰς ἐπαγγελίας βεβα-  
 ῶσῃ, καὶ τὸν Μάννον ὑπώπτευεν *quum Traianus in Me-*  
*sopotamiam venisset, ipsique pro componenda pace praeco-*  
*nes, & Legati missi forent tam a Manno, quam Manisa-*  
*ro, cui bellum Chosroes inferebat, ideoque se hic Armenia,*  
*ac Mesopotamia, quam ceperat, discessurum promitteret,*  
*nullam Manisaro se fidem habere dixit, priusquam ad se*  
*profectus, quoadmodum pollicebatur, promissa factis con-*  
*firmasset; Mannum vero suspectum habuit. Hinc Traianus*  
*Adiabensem ingressus, mox Nisibi, Batnisque occupatis*  
*Parthicus ab exercitu vocatus fuit, expulsisque Regulis*  
*omnibus Armeniam, ac Mesopotamiam in Romanae*  
*Provinciae formam redegit: unde in Nummis Traiano*  
*mox cufis legitur: (a) Armenia, ac Mesopotamia in pote-*  
*statem P. R. redactae. Sic optime in Eutropio (b), &*  
*Festo (c) dicitur sub Traiano Principe Regi maioris Ar-*  
*meniae diadema sublatum est; & per Traianum Armenia,*  
*Mesopotamia, Assyria, & Arabia Provinciae factae sunt;*  
 quinetiam Eutropius, eiusque Graecus Interpres Pae-  
 anius *Parthamasisiridi*, sive, ut is appellat, *Phartosiridi*  
 non diadema solum, sed vitam quoque ereptam fuisse  
 dicit. Quandoquidem vero aut in Nummis, aut in Scri-  
 ptoribus illis nihil omnino de Parthia, vel Chosroe  
 memoratur, dubitari sane vix poterit quin Traianus  
 ipsi placatus ei Parthiae regnum confirmaverit. Certe  
 Aurelius Victor res a Traiano gestas enumerans ait:  
*imperati obsides Persarum Regi nomine Cosdroe, adeoque*  
*Parthiae regnum eidem Chosroi relictum esse demon-*  
*strat. Accedit etiam quod ubi primum Traianus in Orien-*  
*tem pervenit, Chosrois, ac Parthorum res mire flore-*  
 bant,

(a) Vaill. Tom. 1. pag. 47.

(c) Cap. 14.

(b) Lib. VIII. c. 3.

bant, ut is Exedari & Manisaro Armeniae Regibus bellum inferre, ac Parthamafiridi fratri Armeniae regnum vindicare potuerit. Ubi vero Traianus extremis etiam Orientis finibus peragratis Babylonem concessit, ipsam fere desertam invenit ἄτε καὶ τῆς τῶν Πάρθων δουραμέως ἐκ ἐμφυλίων πολέμων ἐσθαρμένης, καὶ τότε σασιαζέσης quum Parthorum potentia civilibus bellis imminuta foret; ac tunc quoque inter illos seditio reperiretur.

Itaque perspicue apparet quod in primo Traiani adventu nullus omnino Romanorum Praeses in Parthia constitutus, sed Parthis ipsis imperium relictum fuit; ut proinde mox Parthi non Romanis infesti, sed civilibus solum discordiis discerpti, turbatoque Chosrois imperio vexati fuerint.

Pleraque ex his in Oriente gestis a Vaillantio (a) quoque in *Arsacidarum historia* fuisse, accurateque describuntur; nisi quod ille Parthicam hanc Traiani expeditionem anno solum V. C. 865. susceptam putavit; quemadmodum sane Loydus, (b) Fabrettus, (c) Norisius, (d) Pagius, (e) Basnagius, (f) alique plurimi Parthicum hoc iter post sextum Consulatum anno V. C. 865. a Traiano Romae susceptum contigisse contendunt. Tillemontius (g) vero, quo certe nemo subtilius atque accuratius hanc temporum rerumque gestarum seriem exploravit, Baronii, ac Petavii vestigiis insistens Parthicam hanc Traiani Caesaris expeditionem exeunte anno V. C. 859. contigisse demonstrat. Ut autem omnia, quae a Norisio, ceterisque proposita fuerant, accurate explicari, simulque rite componi possint, Tillemontius ipse observavit quod duplex Traiani in Orientem iter distingui debet; ut in primo quidem Traianus Armeniam, ac Mesopotamiam in Roman-

nae

(a) Pag. 305.

(b) De Ep. Ignat.

(c) De ccl. Traian. pag. 290.

(d) Epist. consul. pag. 72.

(e) Critic. ad an. Chr. 105.

(f) Annal. Eccles. ad ann. 112.

(g) Hist. Imper. in Traia. Art. 28. & Neta 18. pag. 509.



nae Provinciae formam redegerit, Parthiaeque regnum Chosroi reliquerit; in secundo vero Parthis ipsis, expulso Chosroe, Regem alium concesserit.

Ac certe quidem Traianum Armenia iam pridem recepta Romam rediisse, iterumque Roma in Orientem profectum esse ex Nummis etiam ostendi posse putaverim, si cum Dionis historia conferantur. Siquidem Scriptor ille quum dixisset Armeniam a Traiano Caesare sine praelio receptam, Romanoque Populo tributam esse, mox subdit Ἀπίντων αὐτῶ οἱ τῇδε Σατράπαι, καὶ Βασιλεῖς μετὰ δώρων. Παρθαμασίην τὸν Ἀρμενίων ἐτιμαρῆσατο. Ἐπεὶ δὲ πᾶσαν τὴν Ἀρμενίων χώραν εἶλε, καὶ πολλὰς τῶν Βασιλέων τὰς μὲν ὑποπέσοντας ἐν τοῖς φίλοις ἦγε, τὰς δὲ τινὰς καὶ ἀποθάνοντας ( legendum puto ἀποντας ut hi postremi veluti *absentes* a prioribus, qui Traiano occurrerant, distinguantur ) ἀμαχεί ἐχειρῶτο, τότε ἄλλα ἐψηφίζετο αὐτῶ πολλὰ ἢ Βασιλῆα, καὶ Ὀπτιμον, εἴτ' ἐν Ἀρισὸν, ἐπ' ἀνὸμασεν. Satrapae, qui regionem tenebant, Regesque cum muneribus ei occurrerunt .. Parthamasiem Armeniorum Regem punivit, captaque universa Armeniae regione Reges, qui deditionem fecerant, in amicorum numero habuit; quosdam vero etiam absentes absque pugna cepit; eique tum alia plura decrevit Senatus, tum praesertim Optimi cognomentum concessit. Itaque ex Dione, & Zonara quoque Optimi nomen tunc primum Traiano Caesari Romae concessum fuit, quum is Armeniam expulso Parthamasiride, ceterisque Regulis omnino sublatis occupasset; ideoque, cum in Nummis pluribus Romae percussis Optimi nomen Traiano tributum occurrat, (a) in quibus ipse Consul V. vocatur, dubitari certe vix poterit quin Traianus Armeniam subegerit, atque Optimi nomen obtinuerit ante annum V. C. 865. quo sextum Consulatum Romae suscepit. Ita quoque, quum in Nummis aliis (b) Optimi titulus observetur, simulque Profectio Augusti memoratur,

(a) Vaill. Tom. II. p. 121.

Gesn. Tab. I. n. 78.

(b) Ibi, & Tom. I. p. 47. 49.

retur, facile exinde apparet Traianum etiam post subactae Armeniae tempus atque *Optimi* nomen ipsi tributum aliquando Roma discessisse: quod fieri certe, vel explicari non posset, si semel tantummodo adversus Armenios, ac Parthos anno V. C. 865. Roma profectus in Oriente obiisset. Haec ipsa quoque Traiani expeditio ante annum V. C. 865. suscepta pulcherrimo Antiochenorum Nummo (a) confirmari poterit, in quo perspicue legitur: ΔΗΜΑΡΧ. ΕΞ. ΤΗΑΤ. Ε. *Tribuniciae Potestatis, Consul V.* Etenim, si Nummus ille tum eufus fuit cum primum Traianus Antiochiam advenit, ut Cl. Editor existimavit, perspicuum fiet Traianum in Orientem ante Consulatum *sextum*, adeoque ante annum V. C. 865. concessisse; quemadmodum sane perspicuis temporum characteribus adventus ille Antiochiam in Malelae historia (b) anno V. C. 860. tribuitur; atque in Actis S. Ignatii Martyris perspicue discreteque legitur quod Martyr ille *nono* Traiani imperantis anno, *Sura, & Senecione Consulibus*, hoc est anno 860. ineunte Ianuario mense, Traiano Antiochiae<sup>u</sup> degenti, atque in Armenios, & Parthos moventi oblatus fuit. Denique eximus alter Traiani Nummus habetur, (c) in quo Caesar ipse ΑΡΙΧΤ. ΚΕΒ. ΓΕΡΜ. ΔΑΚ. ΠΑΡΘ. *Optimus, Augustus, Germanicus, Dacicus, Parthicus* appellatur, simulque *decimus* imperii ipsius annus expressus conspicitur. Ergo anno V. C. 861. in quem *decimus* imperii annus incurrit, Traianus iam *Optimi*, atque a militibus saltem *Parthici* nomen acceperat, ideoque Parthicum iter ab illo susceptum ad annum V. C. 859. referri debet.

Itaque non ex Scriptoribus solum, quos Tillemontius accuratissime exhibuit, sed ex Latinis etiam, Graecisque Nummis, quos eo libentius hic protuli, ut vexatis adeo Ignatii Martyris Actis hinc etiam splendor, ac praesidium accederet, ostendi iam poterit quod duplex

(a) Vaill. Tom. II. p. 127.

(b) Libr. XI. init.

(c) Gesn. Tab. 80. n. 11.



plex Traiani in Orientem profectio agnosci debet; ut in prima quidem Chosroi placatus obsides solum ab illo receperit, solaque urbe Nisibi, Batnisque ceptis *Paribici* nomen obtinuerit; in altera vero, cum Chosroes aut a Parthis ipsis expulsus foret, aut fidem Traiano obstrictam violasset, Parthis ipsis novum Regem constituerit. Siquidem, Dione (a) teste, cum Traianus occupata iam Ctesiphonte regia Parthorum urbe, *Paribicus* iterum a militibus appellatus esset, ad ultimas Orientis plagas penetrasset, indeque reversus Arabas, atque Armenios aliquid adversus Romanos moliri deprehendisset, φοβηθείς μὴ ἢ οἱ Παρθοὶ τι νεοκμασῶσιν, βασιλέα αὐτοῖς δέξαι ἐτέλησε *timens ne Parthi quoque aliquid novi molirentur, proprium Regem illis dare decrevit.* Hinc Ctesiphontem rediens Exedaris filium Parthis Regem imposuit, quem Dio *Parthamaspatem*, Spartianus *Psamatosfirim*, Malela (b) *Parabemasphatem* appellat; adeoque tunc primum in Traiani Nummis, in quibus is *Consul VI & Paribicus* appellatur, *Parthia capta*, (c) & *Rex Parthus*, (d) & *Rex Parthis datus* (e) memoratur. Quande quidem vero deinde *Parthi Partamaspatem* deestati regi suis moribus coeperunt, (f) Hadrianus Traiani successor *Psamatosfirim*, quem Traianus *Parthis Regem* fecerat, quod eum non magni ponderis apud *Parthos* videret, *proximis Gentibus Regem dedit* (g), Armeniis nimium, qui in Exedaris eius patris defuncti locum eum petebant; quemadmodum Chosroes iampridem a Traiano pulsus annuente Hadriano Caesare Parthorum regnum recuperavit; ut proinde Hadrianus ipse Chosroem ad amicitiam invitaverit, ipsique filiam a Traiano captam restituerit (b).

B

Per-

(a) Lib. 68.

(b) Lib. XI.

(c) Gesn. Tab. 75. num. 50.

(d) Vaill. Tom. I. pag. 50. &amp;

II. pag. 922.

(e) Gesn. Tab. 75. num. 13.

(f) Dic. Lib. 69.

(g) Spartian.

(b) Spart. cap. 7.

Perspicua haec temporum, rerumque series ostendit quod Manisarius ille, qui Dione teste Armeniam, ac Mesopotamiam, aut certe ipsarum partem occupaverat, supplexque a Traiano pacem quaesivit, nunquam post primum Traiani in Orientem adventum imperavit; cum ipse quoque Armeniam ultro cedere, polliceretur, vereque mox Armenia ac Mesopotamia, sublati Regulis, ipsoque Exedare, & Parthamasiride expulsis, in potestatem Romani Populi redacta, postremoque ab Hadriano Parthamaspati Regi concessa sit. Itaque Manisari, sive Minnisari Nummus post annum V. C. 859. cudi non potuit. Sed Nummus ille anno V. C. 853. antiquior esse non potest, quo Traiano iam imperium adepto Chosroes Pacoro patri defuncto in Parthiae regno succedens Exedarem Armeniae Regem vexavit. Quin etiam facile Nummus ipse ante annum V. C. 857. cudi non potuit. Siquidem Traianus, qui sola Parthici nominis cupiditate, ut testatur Dio, bellum Armeniis, ac Parthis intulit, repente adversus illos movisse videtur cum primum Chosroes Parthiae regnum adeptus Parthamasiridem in Armeniae regnum invexit, ac Manisarius Armeniae partem occupavit: alioquin, si Parthicus ille motus, Minnisari conatus, & Parthamasiridis electio ante annum V. C. 857. contigisset, facile Traianus iniuriam Romanis illatam eius Palmae ductu, eoque exercitu repente ulcisci potuisset, quo anno V. C. 858. Arabiam adquisivit (a). Ergo, ut laxioribus etiam finibus utar, Minnisari Nummus inter annos V. C. 853. & 859. percussus fuit; iis nempe temporibus, quibus Chosroes expulso Exedare Parthamasirim fratrem suum in Armeniae regnum intravit; ideoque facile dum Armenii civilibus hisce discordiis implicati forent, Minnisarius Armeniae, ac Mesopotamiae partem occupavit; cusoque Nummo se Soterem, patriae nempe adversus Parthos vindicem, atque assertorem vocavit, cum tamen

neque



neque *Regum Regis*, neque *Arsocis* nomen, quod Parthorum esse debebat, usurpasset, sed solo *Regis* titulo contentus esset. Itaque 333. annus Minnisari Nummo inscriptus ab aera quadam, aut cardine deduci debet, qui neque anno V.C. 520 antiquior, neque anno 526. recentior esse possit, ut proinde 333. inde numeratus in aliquem ex intermediis annis illis inciderit, quibus Minnisarus in Armenia imperavit.

Ac initio quidem suspicabar quod peculiaris haec epocha Armeniis tribuenda foret, atque ab eo anno veluti cardine duceretur; quo Artaxias ab Antiocho *Magno* Syriae rege Armeniis praefectus ab illo defecit, adeoque novum Armeniae regnum instituit (a) Verum, cum Antiochus Magnus nonnisi anno V. C. 530. Syriae regnum suscepit, cum Artaxias (b) *μετὰ τὴν Ἀντιόχου ἡττάν* post *Antiochi* cladem anno V. C. 563. a Romanis acceptam defecerit, cum denique Artaxias ipse circa annum 590. ab Antiocho *Epiphane Magni* filio superatus, captivusque in Syriam ductus fuerit, facile intellexi longe serius Armeniae regnum, nimirum post annum V. C. 560. incepisse: ut proinde, si Armeniaca quaedam Epochae effingi possit, annus 333. in illa numeratus in annum fere V. C. 893. incideret, quo Minnisarus Armeniae regno exturbatus, aut etiam facile defunctus erat. Ergo ad celebrem Parthicam aeram confugiendum putavi, quae Armeniis ipsis communis esse iam poterat cum plures *Arsacidae*, aut *Partibi* in Armenia imperassent, ideoque facile a Minnisaro quoque adhiberi illa poterat, quod eam a Tiridate, Exedare, & Parthamasiride Armeniae Regibus usurpatam esse conspiceret.

Huic tamen hypothefi, quae maximam veri speciem praefetulerat, id facile opponi posse intellexi quod a Vaillantio, ceterisque Chronologis omnibus aerae Parthicae initium ab anno V. C. 498. sive 504. ducebatur; ideoque annus 333. in illa numeratus in

B 2

annum

(a) Strab. Lib. XI. pag. 531. (b) Ibi p. 528.

annum V. C. 831. five 837. incidisset, quo nondum Chosroes, ac ne quidem Pacorus ipse eius pater in Parthiae regno imperabat; sed in Parthia quidem Vologeses Chosrois avus, in Armenia vero Tiridates a Nerone Caesare constitutus tranquille imperabant.

Miris eiusmodi ambagibus irretitus, ac varias in partes subinde impulsus illud unum superesse putavi, ut subtilius adhuc, ac diligentius inquirerem, an celebris ille, ceterisque probatus Parthicae aerae cardo perspicue certoque a doctissimis viris constitutus esset; tandemque rebus omnibus ritè, ut opinor, perpensis deprehendi Parthicam hanc, vel Arsacidarum aeram circa annum V. C. 524. incepisse; ideoque annum 333. in Minnifari nostri Nummo exaratum non alteri, quam Parthicae huic aeraetribuendum esse nunc censeo; si tamen illa a veriori suoque cardine deducatur, quem modo ostendendum suscipio.





## §. II.

*Arsacidarum epocha*  
*anno V. C. 498. vel 504. adscripta*  
*refellitur,*  
*& accuratior alia in anno 525.*  
*constituitur.*

**P**Arthicam aeram quamdam a primis usque temporibus usurpari, Regumque Nummis inscribi consuevisse ex pluribus *Arsacidarum*, vel Parthiae Regum Nummis apparet, ex quibus haecenus duo ac viginti (a) numeralibus hisce notis, vel *Arsacidarum* epocha insignes prodire, quibus alter hic Nummus a me nunc primum editus adiungi iam poterit. Itaque prorsus immerito Harduinus (b) veterem hunc *Arsacidarum* morem in dubium revocavit; atque, si unicum Vologesis I. Nummum exceperis, nullam prorsus epocham *Arsacidarum* Nummis insculptam putavit; quamvis alibi (c) in altero quoque Parthico Nummo aeram ipsam agnoverit.

Ingenue tamen fatendum quod in tanta veterum Nummorum copia nullus propemodum splendor affulget, quo eius aerae cardo perspicue certoque constitui possit. Quum enim singuli Parthorum Reges uno eodemque *Arsacis* nomine vocarentur, atque illud ubique fere Nummis inscriberent, Rex unus ab altero discerni vix potest; atque ex numeralibus notis, quae Nummis inscriptae sunt, sive Regum aetate, si cum Ro-

(a) Vid. Froelich. Reg. Numism. pag. 74.

(b) Chronol. Vet. Test. pag. 620.

(c) Nummi Popul. p. 132.

Romana historia, certaue temporum serie conferantur, nihil propemodum exsculpi potest. Unicus est, nisi plurimum fallor, Vologesis Nummus, ex quo praesidium aliquod sperari possit. Siquidem in illo Rex ipse non ambiguo *Arsacis*, sed proprio *Vologesis*, nomine vocatur; neque ad Armeniae Reges referri ille potest, quemadmodum sane Vologesem alium ad Armenios referendum esse demonstrabo. Eiusmodi vero Vologeses, ut ex Tacito apparet, (a) anno V. C. 803. imperium suscepit, quumque ad Vespasiani Caesaris tempora pervenisset, illud moriens *Pacora* filio reliquit, qui, ut a Martiale (b) erudimur, eodem ipso tempore Parthis imperabat, quo Decebalus in Dacia impetum adversus Romanos moliebatur. Itaque, quum Pacori, eiusque amici Decebali motus inciderint in annum V. C. 840. Vologesis imperantis aetas annis V. C. 803. & 840. circumscribi debet, iis nempe temporibus, quibus in Armenia Tigranes, Rhadamistus, ac Tiridates Vologesis frater imperarunt. Quandoquidem ergo in huius Parthi Vologesis Nummo aera TH 308. reperitur, inito calculo perspicue apparet quod Parthicae aerae cardo neque anno V. C. 495. antiquior, neque anno V. C. 532. recentior esse potest; sed iis terminis circumscribitur, qui, quamvis ob diuturnum adeo Vologesis regnum laxiores sint, ceteris tamen certiores habendi sunt, qui ex Historicis peti possent, quos hac in parte dissidentes esse conspiciamus.

Ac certe quidem Ammianus (c) asserit quod Parthiae regnum in vocabulum Parthi concessit *Arsacis* obscure geniti, latronum inter adolescentiae rudimenta ductoris .. qui post multa gloriose, & fortiter gesta superato Nicatore Seleuco Alexandri successore, cui victoriarum crebritas hoc indiderat cognomentum, praesidiisque Macedonum pulsus ipse tranquillius agens ... medium agens cursum aetatis placida morte

(a) Lib. XII. c. 44.

(b) Lib. IX. Epig. 36.

(c) Lib. XXIII.



15

morte decessit. Itaque, quum Seleucus ille *Nicator* Syriae regnum ab anno V. C. 442. usque ad annum 474. occupaverit, Arsacis defectio, Parthicique imperii initium, aliquo ex intermediis annis illis contigisset. Sed Ammiani calculum, atque historiam refellendam esse tum Vologesis Nummus antea memoratus, tum perspicua Scriptorum aliorum testimonia demonstrant; nec plurimum fortasse ego fallar, si Ammianum ipsum *Victoriarum* nomine deceptum id *Nicatori* adscripsisse dixerim, quod *Callinico* ipsius pronepotitribuendum erat, ut ex subiecto Schemate apparet, ac inferius demonstrabitur.

### *Reges Syriae.*

Seleucus <i>Nicator</i>	{ coepit 442. anno 474. V. C. 492.
Antiochus <i>Soter</i>	
Antiochus <i>Deus</i>	
Selencus, vel Antiochus <i>Callinicus</i>	
Seleucus <i>Ceraunus</i>	507.
Antiochus <i>Magnus</i>	527.
	530.

Longe felicior Ammiano, & accuratior Arrianus (a), qui Parthorum, unaque Persarum defectionem, eiusque causam exponens ait: Ἀρσάκης, ἡ Τιριδάτης ἦσαν ἀδελφῶ Ἀρσακίδαι τῷ υἱῷ Ἀρσάκῃ τῷ Φριαπίτῃ ἀπογόνοι. Οὗτοι Φερεκλέα τὸν ὑπὸ Ἀντιόχῃ τῷ Βασιλέως, Θεὸν αὐτὸν ἐπικλῆν ὀνόμαζον, Σατραπίην αὐτῆς τῆς χώρας κατασάντα.. ἀνείλαν, ἡ τὸ ἔθνος τῶν Μακεδόνων ἀπέστησαν, ἡ καθ' ἑαυτοὺς ἦρξαν, ἡ ἐπὶ μέγα δυναμείῃς ἦλθσαν. Vaillantius hic optime rescribendum ait τῷ υἱῷ Ἀρσάκῃ, τῷ Φριαπάτῃ ἀπογόνῳ: quamvis reliquerit Ἀρσακίδαι, pro quo Ἀρσακίδα legendum existimo: Arsaces, & Tiridates fratres erant Arsacidae, filii Arsacis.

(a) In Parthic. apud Phot. Cod. 58.

*facis, Phriapatii nepotes. Hi Pherecle[m] ab Antiocho Rege (quem Deum cognomento appellabant) eius orae Satrapam constitutum necarunt... Gentem itaque Macedonum pelentes, imperium ipsi arripuerunt, magnamque sunt potentiam consecuti. Itaque ex Arriani testimonio illud unum inferri, certeque constitui potest, quod, si Pherecles ab Arsacidis illis occisus ab Antiocho Deo Parthiae, sive Persidi praefectus fuerat, Arsacidarum defectio post annum V. C. 492. contigisse debuit, quo Antiochus Deus Syiae regnum obtinuit ad annum usque 507. quo Pherecle adhuc supersit; Persisque Praefecto e vivis excessit. Et sane quod Phereclis mors, & Arsacidarum defectio post Antiochi Dei mortem contigerit ex Arriano ipso demonstravit Syncellus, (a) qui plurima a Photio omissa accuratius expressit. Ἀντίοχος ὁ υἱὸς τοῦ Θεοῦ ὁ ἐπικληθεὶς Καλλίνικος, ὁ αὐτὸς καὶ Σέλευκος. Ἐπὶ τούτῳ Ἀντίοχῳ Πέρσαι τῆς Μακεδονῶν, καὶ Ἀντιόχων ἀρχῆς ἀπέστησαν. Ἀρσάκης τις καὶ Τηριδατης ἀδελφοὶ ἑσατραπεύον Βακτριῶν ἐπὶ Ἀγαθοκλῆς Μακεδόνης Ἐπάρχῃ τῆς Περσικῆς. Ἀγαθοκλῆς ἐρασθεὶς Τηριδατη, ὡς Ἀρριανὸς φησὶ, καὶ τὸν νεανίσκον σπευδάζων ἐπιβλεῦσαι, διαμαρτίσας ἀνγρέθη παρ' αὐτῷ καὶ Ἀρσάκῃ. Καὶ βασιλεύει Περσῶν Ἀρσάκης, ἀφ' οὗ οἱ Περσῶν Βασιλεῖς Ἀρσακίδαι ἐχρηματίσαν, ἔτη β'. καὶ αἰναιρεῖται, καὶ μετ' αὐτὸν Τηριδατης ἀδελφὸς ἔτη λζ'. Antiochus Antiochi Dei filius, cognomento Callinicus, idemque Seleucus. Huius Antiochi tempore Persae a Macedonum, & Antiochorum imperio defecerunt. Arsaces, & Tiridates fratres Satraparum munus in Bactros exercebant sub Agathocle Macedone Persidis Praefecto. Agathocles, ut scribit Arrianus, Tiridatem amans, ac inveni insidias struens, cum in iis aberrasset, ab ipso, & Arsace eius fratre occisus fuit. Itaque Persarum imperium sumit Arsaces, a quo Persarum Reges Arsacidae nuncupantur, coque per duos*

(a) Chronograph. pag. 226.



*duos annos potitus occiditur; ipsique Tiridates frater succedens per annos 37. imperavit. Integer hic Syncelli locus ostendit plura ex Arriani textu a Photio dissimulata fuisse; adeoque Syncellum in exarandis istis non alium, quam Arriani, codicem exscripsisse. Itaque, si prima Arsacidarum defectio Antiochi, vel Seleuci Callinici tempore erupit, inter annos V. C. 507. & 527. adstringi illa debet, quibus Callinici regnum circumscribitur.*

Haec ipsa quoque Parthicae defectionis epocha a Iustino (a) perspicuis variisque characteribus demonstratur. Etenim de Parthis loquens ait: *A Nicanore Seleuco, ac mox ab Antiocho, & successoribus eius possessi: a cuius pronepote Seleuco primum defecere, primo Punico bello L. Manilio Pisone, Attilio Regulo Consulibus. Huius defectionis impunitatem illis duorum fratrum Regum Seleuci, & Antiochi discordia dedit; qui dum sibi invicem eripere regnum volunt, persequi defectores omiserunt... Erat eo tempore Arsaces vir... hic solitus latrocinii, & rapto vivere accepta opinione Seleucum a Gallis in Asia victum, solutus Regis metu cum praedonum manu Parthos ingressus Praefectum eorum Andragoram oppressit, sublatoque eo imperium gentis invasit... nec multo post cum Seleuco Rege ad defectores persequendos veniente congressus victor fuit: quem diem Parthi exinde solemnem, velut initium libertatis, observant.... Sic Arsaces quaesito simul constitutoque regno matura senectute decedit.... Huius filius, & successor regni Arsaces adversus Antiochum Seleuci filium mira virtute pugnavit, ad postremum in societatem eius assumptus est. Quicumque singulos temporum characteres hic a Iustino expressos consideret, dubitare sane non poterit quin prima Parthorum defectio post Antiochi Dei mortem, adeoque Seleuci Callinici eius filii aetate contigerit, cui demum post triennale Seleuci Cerauni imperium*

C

rium

(a) Lib. XLI.

rium Antiochus Magnus anno V. C. 530. in Syriae regno successit.

Ac certe quidem etiam Appianus (a) memorata Antiochi Dei morte, ac dissidiis, & turbis, quae Syriam invaserant, subdit: καὶ Παρθυαῖοι τῆς ἀποστάσεως τότε ἤρξαν, ὡς τεταραγμένης τῆς τῶν Σελευκιδῶν ἀρχῆς quia occasione Parthi deficere coeperunt quod Seleucidarum imperium turbatum foret.

Ita propemodum Strabo de Parthia loquens testatur (b) quod διὰ τὸ πρὸς ἀλλήλους εἶναι τοὺς τῆς Συρίας, καὶ Μηδίας βασιλέας τοὺς ἔχοντας καὶ ταῦτα, πρῶτον μὲν τὴν Βακτριάνην ἀπέσπασαν οἱ πεπιστευμένοι, καὶ τὴν ἐγγὺς αὐτῆς πάσαν οἱ περὶ Εὐθυδήμον. Ἐπεὶ Ἀρσάκης ἀνὴρ Σκύθης τῶν Δαων τινὰς ἔχων τοὺς Πάρνους καλουμένους Νομάδας παροικοῦντας τὸν ὄχον ἐπῆλθεν ἐπὶ τὴν Παρθυαίαν, καὶ ἐκράτησεν αὐτῆς. Καταρχὰς μὲν οὖν ἀσθενὴς ἦν, διαπολεμῶν πρὸς τοὺς ἀφαιρεθέντας τὴν χώραν quod Syriae, ac Mediae Reges dissiderent, quibus istae quoque regiones parebant, primum Bactrianam ad defectionem pertraxerunt ii, quibus commissa fuerat, deinde & vicinas etiam regiones Euthydemus. Deinde Arsaces vir Scyrba Dais quibusdam imperans cognomento Parnis Nomadibus, qui ad Ochum incolebant, Parthiam invasit, & occupavit; atque ab initio quidem infirmus fuit, bellum continenter suslinens adversus eos, quibus Parthiam ademerat. Discordiae autem illae, quae tum a Strabone, tum a ceteris indicantur, inter Seleucum Callinicum, eiusque fratrem Antiochum Hieracem exarserant, qui Gallos opem sibi laturos acciverat, quos una cum Hierace Callinicus debellavit; quemadmodum Antiochus Soter Antiochi Dei pater, aut frater Gallos ipsos antea, Appiano teste, superaverat.

Perspicuis eiusmodi tot Veterum testimoniis una collatis manifestissime ostendi potest quod Arsaces defe-

ctio,

(a) Syriae. pag. 130.

(b) Lib. XI. pag. 515.



atio, sive ut accuratius hic loquar, Parthiae ab illo occupatae tempus ad Seleuci *Callinici* aetatem referri debet; ideoque anno V. C. 507. antiquior esse non potuit, quo Antiochus *Deus* moriens filios duos *Callinicum*, & *Hieracem* de regno pugnatueros reliquit.

Sed quid Iustino faciemus, qui perspicue diserteque scribit quod *Parthi a Seleuco Nicanoris pronepote primum defecere, primo Punico bello, L. Manilio Pisone, Attilio Regulo Consulibus*? Quid Ufferio, ac Petavio responderi poterit, qui Iustini testimonio freti Parthici regni initium in anno V. C. 504. collocarunt, quo C. *Attilius Regulus II.* & L. *Manlius Vulso II.* Consules fuerunt? Quid denique Cl. Vaillantio reponetur, qui Parthicum imperium, adeoque Parthicam, vel Arsacidarum aeram anno V. C. 498. quo Consules in Fastis occurrunt L. *Manlius Vulso Longus*, & M. *Attilius Regulus II.* incepisse voluit, ceterosque Eruditos omnes in hanc sententiam abripuit?

Non aliud, opinor, hic optimo maximoque iure reponi poterit, nisi quod Iustinus ipse, si eius testimonium eo sensu exponatur, quo a plerisque omnibus factum esse conspiciamus, sibi non constaret; ideoque singula, quae ab ipso simul iunguntur, apte componi, simulque haerere non possunt: quippe quum is dixerit Parthos Seleuci *Callinici* aetate, simulque L. *Manlio*, & *Attilio Regulo Cosf.* primum defecisse; quum tamen Consules ipsi, ad quemcumque demum V. C. annum referantur, *decem*, aut certe *quatuor* annis *Callinici* initium praecesserint. Quandoquidem vero plures characteres alii, quos hic Iustinus expressit, mire inter se se, simulque cum perspicuis Scriptorum aliorum calculis, ac testimoniis conspirant, siquis in Iustino error irrepsit, certe in exprimendis potius Consulum nominibus irrepsisse ille potuit; adeoque ex solis Consulum nominibus vera Parthicae defectionis aetas, & Arsacidarum aerae cardo constitui non potest.

Sed nihil est tamen cur Iustinum ipsum aut inconstantiae, aut erroris insimulem, eiusque historiam hic temere perturbatam esse cum Vaillantio contendam. Mitius hic sane cum praeclaro Scriptore agendum putaverim; idque ego facile Vaillantio concesserim Iustino vade, Parthos *L. Manlio, & Atilio Regulo Consulibus* defecisse; exinde tamen inferri posse vix dixerim Arsacidarum imperium iisdem ipsis Consulibus incepisse: perinde quasi Iustinus ipse perspicue diserteque dixisset Arsacem iis Consulibus imperium suscepisse; quum tamen ex integra Iustini ipsius serie oppositum deducatur.

Itaque id unum in Iustino reprehendi fortasse poterit quod ille in contexenda Trogi Epitome plurima, quae variis certe temporibus contingere, simul coniunxerit; sive, ut accuratius loquar, id in Petavio Usserio, Vaillantio, ceterisque reprehendi debet quod singula a Iustino simul memorata ad eosdem illos Consules revocaverint; adeoque Arsacidarum imperium iisdem ipsis Consulibus incepisse dixerint. Quod si omnia rite, ac subtilius explorentur, sua Iustino auctoritas constare, Iustinus ipse cum Scriptoribus aliis componi, & quod rei caput est, Arsacidarum imperium anno V. C. 498. posterius, eorumque aerae cardo longe recentior ostendi poterit.

Atque, ut haec omnia perspicue demonstrantur, initio quidem existimo Parthos a Macedonibus, vel Syriae Regibus non anno V. C. 498. sed 504. C. *Atilio Regulo II. & L. Manlio Vulfone II.* Consulibus defecisse, quod Usserio, ac Petavio videbatur. Quamvis enim anno V. C. 498. *L. Manlius Vulsus Longus, & M. Atilius Regulus II.* in Fastis aliquibus, in Zonara, Eutropio, Polybio, atque Anonymo Norisiano habeantur, *Regulus* tamen ille *Q. Caedinius* defuncto successit, ideoque in Fastis alius non *Regulus*, sed *Caedinius*, Vulsioni collega tribuitur, ut in Graecis Fastis Siculis legitur, Βουλσωνος καὶ Καεδινίου *Vulsone, ac Caedinio*, atque in Cassiodorio quoque *Q. Caedinius, L. Man-*



*Manlius* eius anni Consules memorantur. Itaque ambigua Consulum nomina, sive *Attilii Reguli* nomen facilius ad annum V.C. 504. referendum videtur, quod in Fastis omnibus veluti *ordinarius* recensetur. Accedit etiam quod Eusebius non anno 498. sed 504. Parthos a Macedonibus defecisse scribit, quod ille nimirum non ex ambiguo Iustini loco, sed ex antiquiore quodam Graeco Scriptore didicerat. Etenim ad annum 1. Olymp. CXXXIII. sive V. C. 506. ait Πάρθοι τῆς Μακεδονίας, καὶ Ἀντιόχων ἀρχῆς ἀπέστησαν. Πρῶτος βασιλεύει αὐτῶν Ἀρσάκης. *Parthi a Macedonum, & Antiochorum imperio defecerunt. Primus apud ipsos regnat Arsaces.*

Itaque tunc primum Arsaces Macedonas ex *Parthia*, vel potius ex *Perside* exturbavit; idque mire cum *Arriani*, & *Syncelli* historia conspirat, qui dicit ab *Arsace*, ac *Tiridate Phereclē*, sive *Agathoclem ἑπαρχὸν τῆς Περσικῆς Persidis Praefectum* occisum esse, moxque *Arsacem Περσῶν Persarum imperium* arripuisse; perinde quasi longe serius is *Parthos* invaserit, ipsorumque imperium occupaverit. Certe Iustinus asserit quod *Arsaces cum praedonum manu Parthos ingressus Praefectum eorum Andragoram oppressit*; idque contigisse dicit postquam *Theodotus Bactrianorum Praefectus defecit*, Regemque se appellari iussit, quod exemplum secuti totius Orientis populi a Macedonibus defecere. Quid vero quod ne repente quidem post Theodotum Arsaces defecit, Parthosque occupavit; sed aliquanto serius id praestitit? Certe gravissimus auctor Strabo, qui Parthicam hanc historiam ex Apollodoro Atramyteno excerpsit, omnium quidem primum Diodotum defecisse dicit, mox Diodoto expulso Euthydemum, denique omnium postremum Arsacem: quemadmodum sane Polybius (a) coaevus fere Parthicae defectioni Scriptor asserit Euthydemum ipsum

(a) Excerpt. ex Lib. XI. p. 32.

ipsum provincias non a Syriae Regum imperio subtraxisse, sed a rebellibus occupatas invasisse. Ita prope-  
modum Strabonis testimonio erudimur ne Parthos qui-  
dem ab Arsace omnium primo occupatos fuisse, sed  
ab illo defectores, qui priores invaserant, expulsos  
esse. Afferit enim Arsacem ab initio infirmum fuisse,  
quod bello assidue ab iis premeretur, quibus Parthiam  
ademerat: quod sane de Syriae Regibus, ac Macedoni-  
bus intelligi non potest, qui longe serius adversus  
Arsacem, atque Euthydemum moverunt, domesticis-  
que discordiis vexati defectores *impunitatem* diu con-  
cesserunt. Ergo, licet Iustinus Theodoti, aliorumque  
Regum, & Arsacis etiam defectionem una memorave-  
rit; accuratius tamen Theodoti quidem in Bactrianis,  
Arsacis etiam si libet in Perside, vel ut Strabo ait,  
Dais, Parnis, ac Nomadibus defectio ad annum V. C.  
504. referri fortasse poterit; sed Parthicum tamen  
imperium ab illo occupatum ad proximos annos, ni-  
mirum ad 509. vel 514. V. C. referri debet.

Id ego facile ex pulcherissimo Agathiae(a) loco osten-  
di posse putaverim, qui licet sequioribus solum tem-  
poribus floruerit, quaecumque tamen de Persarum,  
ac Parthorum imperio memorat, ex regiis Persarum  
Archivis Sergii interpretis opera se accepisse testatur,  
ideoque ipsius hac in parte auctoritas maximo in pre-  
tium esse debet. Itaque Scriptor ille, quem Suidas etiam  
exscripsit, ut proinde in annorum numeris error ef-  
fingi non possit, de Macedonibus ab Arsace eiectis,  
Parthiaeque imperio ab Arsacidis instituto loquens ait:  
Ἀρσάκης ὁ Παρθυαῖος τὰς Μακέδονας κρατήσαντας τῆς  
Περσῶν ἀρχῆς ἐτη ΣϞΓ ἐκβαλὼν, Πάρθοις τὴν βασι-  
λείαν παρέδωκε Arsaces Paribus Macedonas, qui Per-  
sarum imperium 293. annis tenuerant, eiiciens, regnum  
Paribis tradidit. Quo tamen loco, quum vere Mace-  
dones,

(a) Lib. II. pag. 46.



dones, & Syriae Reges Macedonum successores non 293. sed vix *centum* annis Persidis imperio potiti sint, in Agathiae, vel Suidae textu cum Scaligero legendum arbitror τοὺς Μακεδονας, κρατήσας τῆς Περσῶν ἀρχῆς ἔτει ΣϞΓ, ἐκβαλὼν Μακεδονας, imperiū Persarum anno 293. potius, eiciens. Ergo prima Arsacis defectio contigit anno 293. ex quo Cyrus Babylonem ingressus imperium illud instituit. Primus autem Cyri annus, ut accurate ostendit Petavius (a), in annum V. C. 216. incidisse debuit; adeoque Arsacis in Parthia defectio ad annum V. C. 509. spectaret. Quandoquidem vero Syncellus ab eodem illo Cyri initio ad Callinici quidem exordium, quo regnante Arsacem a Syriae Regibus defecisse dixerat, 286. annos enumerat, sed ab initio Cyri ad defectionem ipsam 293. effluxisse dicit, ex Syncelli calculo Arsacis defectio anno V. C. 514. contigisset. Exinde vero, ut id obiter moneam, depravatus Agathiae, & Syncelli locus restitui poterit, in quo uterque dicit Parthorum imperium ab Arsace institutum, atque in Artabano extinctum ΣΟ 270. annis persistisse. Quum enim Artabanus anno V. C. 986. occisus fuerit, ut inferius ostendetur, ab anno V. C. 514. quo Parthicum imperium incepit, ad annum 986. quo desit, utroque termino excluso, anni 470. intercessere, ideoque in utriusque textu non ΣΟ, sed ΥΟ 470. restitui debet. Ex eiusmodi vero loco sic facile restituto uberius ac illustrius adhuc confirmatur Arsacis defectionem circa annum V. C. 514. aut certe primis Seleuci Callinici temporibus contigisse.

Certe in hac hypothesi, quae perspicuis adeo tot Veterum testimoniis innititur, ipsa quoque Iustini, & Arriani, sive potius Photii testimonia, quibus universa Vaillantii opinio fulcitur, facile intelligi, & explicari poterunt; Parthos nimirum *L. Manlio & Atilio*  
Re-

(a) Doctr. Temp. Lib. X. c. 15. 16,

*Regulo Coss.* defecisse; sed ita tamen, ut defectionis initium non a *Parthis* ipsis, sed a *Basilrianis*; non ab *Arsacidis*, sed a rebellibus aliis inceperit. Ab *Arsace*, ac *Tiridate* Praefectum ab *Antiocho Deo* impositum interemptum esse; sed ita tamen, ut ii Praefectum illum post *Antiochi Dei* mortem in *Perside* occiderint, moxque *Nomades* in defectionem illexerint, ac deinde *Theodoti*, ac *Euthydemi* exemplo *Parthos* a defectoribus aliis iampridem occupatos invaserint; adeoque vera *Parthorum* defectio, atque *Arsacis* imperium longe serius, hoc est sub *Seleuco Nicatoris* pronepote, ut ait *Iustinus*, sub *Callinico*, ut ex *Arriano* ait *Syn-cellus*; post *Seleuci*, & *Antiochi* discordias, ut *Iustinus*, post *Antiochi Dei* mortem, ut *Appianus* testatur, constitui debet.

Sed quamvis etiam id *Vaillantio* liberaliter concedatur quod *Arsaces* anno V. C. 504. sive si libeat 498. *Parthos* invaserit, quis tamen ab *Arsace* tunc *Regis* nomen repente usurpatum, atque *Arsacidarum* annos exinde veluti cardine numeratos esse concesserit? Utrumque tamen *Vaillantius* ipse contendit, quum *Arsaci I.* quem occupato *Parthorum* imperio duobus annis vixisse, atque anno V. C. 500. obiisse dicit, Nummum illum adscribat, in quo legitur Βασιλέως Βασιλέων Ἀρσάκου Εὐεργετοῦ Ἐπιφάνους Φιλέλληνας *Regis Regum Arsacis Benefici Illustris amici Graecorum*: quumque in eo Nummo Ἀπὸ Γορπιαίου legatur, asserit cum *Tristano Vaillantius* indicari *Arsacis* defectionem, initumque *Parthorum* imperium, atque *Arsacidarum* aeram a *Gorpiaceo* mense anno V. C. 498. exordiri.

At doctissimi viri pace insignis hic Nummus *Arsaci I.* adscribi certe non poterit. *Norissus* (a) quidem id exinde solum coniecerat, quod in illo *Arsaces*  
*Grac-*

(a) De Epoch. pag. 9.



*Graecorum amicus* dicatur; Arsaces autem ille defectionis auctor non amicus Graecorum, sed eorundem insensissimus hostis appellandus videatur. Longe tamen illustrius id ex ipsa Nummi facie ostendi posse putaverim. Si quidem in illo senis, promissaque barba insignis viri vultus conspicitur; in adversa vero Rex ipse sedi insidens occurrit, cui stolata mulier palmae ramum, veluti partae victoriae symbolum, porrigit. Quis autem eiusmodi characteres Arsaci I. concedi posse putaverit, qui nullam prorsus victoriam obtinuit; quodque gravius est, Tiridatis fratris instar Arriano teste *νεανίσκος* adolescens adhuc Parthos invasit, atque altero post defectionem anno adolescens in acie occubuit; ut proinde Tiridates ipse, qui ipsi succedens 37. annis imperium occupavit, *medium agens cursum aetatis*, sexagenario fortasse minor, excesserit? Itaque Nummus ille recentiori prorsus Arsacidae adscribi debet; quumque ei simillimus sit, quem Liebus (b) cum epocha NA 51. exhibuit, non plurimum fortasse ego fallar, si utrumque ad Phraatem I. referendum existimem, qui circa annum 576. ab V. C. Mardos insigni praelio superavit, ut a Iustino erudimur. Quin etiam Iustinus ipse perspicuum argumentum aliud suppeditat quod primus ille Arsacida numquam regium nomen assumpserit. Etenim de Arsace, hoc est in Vailantii hypothese, de Tiridate Arsacis defuncti fratre loquens ait, quod ille *quaesito simul constitutoque regno* decessit; quod eius filius, ac successor regni Arsaces adversum Antiochum Seleuci filium pugnavit; quod tertius Parthis Rex Pampacius fuit. Ergo ex Iustini, vel Trogii sententia primus omnium Tiridates apud Parthos Regis nomen obtinuit: quemadmodum sane Strabo, dum de inito atque firmato Parthiae regno loquitur, unum prorsus, eundemque *Arsacem Regem* exhibuit,

D

quod

(b) Gotha nummor. pag. 130.

quod totidem fere verbis Agathias, Zonaras, Ammianus, alique testantur. Quod si Orosius Arsacem quoque inter Parthiae Reges ante Tiridatem enumerat, ac Syncellus ait quod Arsaces ille 2. annis βασιλεύει, id sane non de regno, sed de imperio quolibet intelligi debet; quemadmodum prorsus hoc uno sensu intelligi poterit quod Tiridates 37 annis regnaverit, quamvis postremis solum imperii annis *regium* nomen assumpserit.

Quemadmodum vero nullus omnino splendor aut ex Nummis, aut ex Scriptoribus oriri potest, ut ab Arsacidis imperium regiumque nomen repente post defectionem susceptum ostendatur; ita quoque ambiguum prorsus, & obscurum erit an ab ipso defectionis tempore imperii annos numeraverint, adeoque primam defectionem illam, veluti novae aerae cardinem, usurpaverint. Certe, quamvis Seleuco post Alexandri mortem Babiloniae ditio, atque imperium obtigerit; nondum tamen regium ille nomen assumpsit, aut regni annos numeravit; sed celebris illa *Seleucidarum* aera *duodecimo* solum post Alexandri mortem anno, hoc est 442. V. C. incepit. Ita prorsus, ut exempla cetera omittam, quamvis Arsacidiae apud Parthos imperium Seleuci *Callinici* aetate post annum ab V. C. 510. obtinuerint, longe tamen serius & *Regis* nomen usurparunt, & regni annos numerare coeperunt; nullusque fere nunc dubito quin utrumque circa annum V. C. 525. contigerit.

Certe Iustinus, quum dixisset Arsacem post Theodoti Baetrianorum Regis mortem foedus ac pacem cum eius filio Diodoto fecisse, subdit: *nec multo post cum Seleuco Rege ad defectores persequendos veniente congressus victor fuit: quem diem Parthi exinde solemnem, velut initium libertatis, observant. Revocato deinde Seleuco, dato laxamento, regnum Parthicum format. Quis hic aperte non videat Parthos superato demum Seleuco victoriam, ac victoriae diem veluti initium libertatis observasse;*  
tunc



tuncque primum ab Arsace *Parthicum regnum formatum* esse? Itaque, quum Seleucus iterum in Parthos iter suscepit anno V. C. 525. ut ex variis Scriptorum testimoniis invicem collatis Vaillantius ostendit, Arsacis regnum, simulque Arsacidarum aera non alteri, quam eiusmodi anno commodius adscribi poterit.

Optime quidem novi quod Seleucus ipse in Parthos iampridem moverat, *decimo* fortasse postquam defecerant anno. Sed tunc, Strabone teste, (a) Ἀρσάκης τὸν Καλλίνικον φευγὼν εἰς τοὺς Ἀσπασιατρας ἐχώρησε *Arsaces Callinicum fugiens in Aspasiatras secessit*, ac Seleucus ipse, ut putavit Vaillantius, quum Andragoram Parthiae Praefectum reliquisset, Antiochiam rediit. Ergo iter aliud, quo Seleucus compositis in Syria rebus in Parthiam, ubi Arsaces sublato Andragora, imperium occupaverat, movit, atque cum illo congressus est, ad annum V. C. 525. referri debet; adeoque in illo Arsacidarum aerae initium constitui; quum praesertim eius victoriae gloria Arsaces Mediae quoque imperium occupaverit (b), unde ab Horatio *Parthorum Reges Medorum* nomine saepius appellantur. Itaque ex variis characteribus, ac testimoniis una collatis Arsacidarum aera anno V. C. 525. adscribi iam poterit, aut certe 25. annis recentior haberi, quam Vaillantius existimaverat.

Quod si Parthica, vel Arsacidarum aera ab hoc novo, certiorque cardine, hoc est ab anno V. C. 525. deducatur, 333. annus in illa numeratus in annum V. C. 858. incidisse debuit, quo Chosroes Parthorum Rex Armeniam turbavit, Exedarem ipsius Regem expulit, ac Parthamasiridem fratrem Armeniis imponere tentavit; ut proinde Manisarus, arrepta opportunitate, Armeniae partem occupaverit, initoque regno Nummum signaverit cum aera ΤΑΓ, quae hunc

D 2

ipsum

(a) Libr. XI. pag. 513.

(b) Athen. Lib. IV. cap. 13.

ipsum regni a se suscepti annum indicaret, adeoque symbola, & characteres omnes huic *Minnisari* nostri Nummo inscripti, ei *Manisaro* accurate conveniunt, quem in Dionis historia memoratum esse conspiciamus; ut proinde singularis hic Nummus non alteri, quam Dionis *Manisaro*, tribuendus videatur. Quod enim Rex ille a Dione quidem *Manisarus*, in Nummo vero *Minnisarus* dicatur, id facile vel exscriptoris, vel fortasse potius sculptoris errori adscribi debet; quemadmodum sane plurima eiusmodi vitia in ipsis etiam Arsacidarum Nummis admissa fuisse mox ostenditur, ubi de *Arsamis*, Regis Nummo differtur.

Neque tamen id facile Vaillantio concesserim quod ad hunc ipsum *Manisarum* a Dione memoratum Nummus etiam ille referri debeat, in quo caput tiara ornatum conspicitur, atque in adverso reperitur *Aquila* cum vocibus ΒΑCΙΑΕΩC ΑΒΑΙΣΣΑΡΟΥ Regis *Abaisari*. Quamvis enim in hoc etiam Nummo error admissus dicatur, ut pro ΜΙΝΝΙΣΑΡΟΥ exaratum sit ΑΒΑΙΣΣΑΡΟΥ, adversae tamen partis typus, ac fortasse quoque *Abaisari* facies cum *Minnisari* facie comparata Nummum illum *Minnisaro* nostro abiudicabit; quum in Armeniae, Parthiae quoque, ac Persidis regum Nummis *Aquilae* typus nunquam occurrat. Non is vero ego sum, qui in tanto veterum Scriptorum silentio quidpiam de hoc Nummo, quem nondum conspexi, conicere, vel definire nunc velim. Optime quidem novi quod ab Arriano (a) *Abisares* Indorum Rex, ejusque frater *Arsaces* saepissime memoratur, cui Alexander ipse regnum confirmavit, quem tamen Regem Curtius (b) *Abisarem*, Diodorus (c), *Embisarum*, Suidas *Abisarum* appellat. Sed quis in extremis Orientis finibus Regem illum inquirat, ipsique Persicum cydarum, aut tiaram concedat; nisi ille *Arsacis* fratris instar

(a) De Exped. Alex. Lib. V.  
pag. 352. 376.

(b) Lib. IX. c. 12.

(c) Lib. XVII. c. 90.



instar ex Perside oriundus, atque *Arsacida* supponatur? *Abeacus* etiam Siracum Rex potentissimus, ac Pharnaci Bospori Regi coaevus a Strabone (a) memoratur. *Abbarus* etiam Arabum Rex a Tacito (b) & *Abagarus* Persarum Rex a Spartiano (c) nominatur, quem Severus Augustus superavit; ac utrique sane tiara facile concedi posset. Sed quis eiusmodi solum nominis affinitate permotus *Abaiissari* Nummum ipsis adscripserit? Itaque donec Nummus ipse diligentius exploretur, aut lux aliqua ex monumentis aliis occurrat, nihil omnino temere definiendum putaverim; idque unum veluti exploratum admitti poterit quod *Abaiissarus* ille a *Minissaro* nostro distingui debet; sed unus tamen idemque censendus erit *Manisarus* ille, qui a Dione memoratur, & *Minnisarus* in nostro Nummo expressus, qui in Armenia imperavit anno V. C. 858. ideoque 333. aerae Parthicae, quae ab anno solum V. C. 525. veriori nempe suoque cardine deducatur.

## §. III.

(a) Lib. XI. pag. 506.

(b) Lib. XII.



## S. III.

*Parthicam aeram ab Arsacidis etiam  
Armeniae Regibus  
usurpatam esse demonstratur;  
eorumque Regum series, ac Nummi  
ostenduntur.*

**I**llud unum huic novae Arsacidarum aerae superius a me constitutae opponi posse conspicio, quod apud Vaillantium (a) in argenteo *Vologesis* III. Nummo characteres ANT. in altero vero ET. reperiuntur, quibus annus 451. & 460. in Arsacidarum aera numeratus exprimitur; quemadmodum prorsus in Museo Theupolo *Vologesis* eiusdem Nummus occurrit cum notis, aut anno ΔNT 454. *Vologeses* autem ille, ut Vaillantius (b) observavit, sub Antonino Caracalla anno V. C. 966. interiit; ideoque Augustus ipse dum adhuc in Germania degeret eo se multum iactabat quod *Vologeso* Parthorum Rege mortuo eius filii de regno inter se certabant. Ergo, si Nummus ille, in quo characteres ET. aut aerae annus 460. reperitur, extremo quoque *Vologesis* anno, nimirum V. C. 966. cusus dicatur, 460. annus inde retrograda serie numeratus in annum V. C. 506 incideret; ideoque Parthicae aerae cardo illo recentior esse non posset. Ita quoque apud Vaillantium (c) ipsum in duobus Nummis *Artabani* IV. qui *Vologesi* III. patri in Parthiae regno successit, numerus TOΔ. & ΠT reperiuntur, quibus Arsacidarum annus 474. & 480. designa-

(a) Pag. 364. &amp; 366.

(b) Pag. 363.

(c) Pag. 386. 387.



gnatur. Sed Artabanus ille anno V. C. 979. ab Artaxare, sive Artaxerxe Persarum Rege Parthico regno spoliatus, & occisus fuit, ergo Nummus ille, qui characteribus ΠΥ insignitur, anno V. C. 979. posterior esse non potest, ideoque Parthicae aerae initium, in qua annus ille 480. numeratur, ante annum V. C. 500. constitui debet.

Ut haec difficultas, cui maxima sane, ac infinita propemodum vis inesse deberet, accurate dirimatur, observari plurimum velim quod eodem ipso Dione teste, quem Vaillantius hic sequitur, Vologeses alius ordine IV. Vaillantio prorsus incognitus Parthiae Regibus adiungi fortasse debet, qui simul cum Artabano IV. fratre in Parthiae regno imperaverit; moxque Artabani viribus ac praesidio fretus Armeniae regnum occupaverit. Etenim Dio in Severi Caesaris Vita res ab illo anno V. C. 950. & 951. gestas describens testatur quod Severus ipse bellum in Parthos suscepit quod illi Mesopotamiam invasissent, aitque quod ἡρχε αὐτῶν Οὐρόλογαισος, ὃ ἀδελφὸς συνῆν τῷ Σεβήρῳ praecerat ipsis Vologeses, *cujus frater cum Severo erat*, fortasse nimirum Tiridates, quem veluti a Romanis transfugam mox a Caracalla repetitum esse dicemus; subditque Dio quod Severus occupata iam Ctesiphonte, ex qua Vologeses aufugerat, eaque direpta in Mesopotamiam redivit. Deinde vero Scriptor ipse de rebus a Caracalla anno V. C. 969 gestis differens ait καὶ ὥκνησε δὲ γραφαι πρὸς τὸ Συνέδριον καὶ περὶ τῶν ἐν τοῖς Πάρθοις βασιλευσάντων, ἀδελφῶν τε ὄντων, καὶ πρὸς ἀλλήλους πασιάζοντων, ὅτι ἡ τῶν ἀδελφῶν διαφορά μέγα τί κακὸν τὸ κοινὸν τῶν Παρθῶν ἐργασσεται non piguit eum scribere ad Senatum de Regibus Parthorum, quod, cum fratres essent, & inter se dissiderent, res publica Parthorum ex fratrum dissensione magnum detrimentum aliquod esset habitura. Denique testatur Dio quod ἐπράττευσαντι αὐτῷ κατὰ τῶν Πάρθων, προφασίς τὴν πολεμικὴν ἦν ὅτι Οὐρόλογαισος τὸν τε Τιριδάτην, καὶ  
Αν-

Ἀντίοχόν τινα μετ' αὐτῆς ἐξαιρήσαντι αὐτῶν ἐν ἐξέδω-  
 κεν ipsi Caracallae bellum adversus Parthos inferenti ea  
 belli caussa praetexebatur quod Vologeses Tiridatem unaque  
 Antiochum quendam sibi eos postulanti non dedisset. Quum  
 vero Parthus transfugas illos reddidisset, Caracalla a  
 bello prorsus abstinuit; sed Artabanum tamen Parthiae  
 Regem invasit quod ille filiam sibi in uxorem conce-  
 dere detraxisset; tandemque bellum a Parthis in Ro-  
 manos susceptum extinctum fuit, cum occiso iam Ca-  
 racalla anno V. C. 970. Macrinus ipsius successor pa-  
 cem cum Artabano Rege sancivit (a).

Quamvis ex eiusmodi Dionis historia perspicue  
 certoque deprehendi non possit an Caracalla adversus  
 alterum solum ex Parthiae Regibus, an vero potius  
 adversus utrumque variis de causis bellum decreverit;  
 an Vologeses ille, qui defectores reddere detraxerat,  
 Artabani pater, vel potius frater esset; id unum  
 tamen hic asseri, certoque constitui debet, quod Ar-  
 tabani Regis aetate ipsius frater in altera Parthiae  
 parte imperabat; & quamvis nullus omnino Veterum  
 Regis hujus nomen exprefferit, is tamen facile *Volo-*  
*gesis* nomine vocari potuit; cum praesertim Herodia-  
 nus (b) eum Parthorum Regem, qui a Severo impe-  
 titus fuit, atque a Dione *Vologeses* vocatur, *Artaba-*  
*num* appellaverit; quod fortasse nimirum Herodianus  
 utriusque nominis Reges simul in Parthia regnasse con-  
 spiceret; ideoque facile duos fratres illos ad Severi  
 tempora revocaverit, qui proximis solum Caracallae  
 temporibus imperarunt. Ita quoque nullus fere ex  
 Scriptoribus splendor affulget de tempore, quo frater-  
 nae Parthorum Regum discordiae cessaverint, inte-  
 grumque Parthiae regnum uni Artabano cesserit.  
 At non plurimum fortasse ego fallar, si tunc demum  
 integro Parthiae regno Artabanum potitum fuisse di-  
 xerim, cum ille fratrem hunc suum, defuncto iam,  
 vel

(a) Capitol. in Macrin.

(b) Lib. III. c. 9.



vel expulso Tiridate, cui Macrinus Armeniae regnum restituerat, Armeniis Regem dedit; quemadmodum prorsus Artabanus alius Arsacem filium (a), & Vologeses I. Tiridatem, & Chosroes Parthamasiridem fratrem suum in Armeniae regnum invexerat: perinde quasi Parthorum Regibus id antiquo iam more receptum foret ut fratres suos in Armeniae regnum veluti Arsacidis avitum intruderent, eoque consilio vel arte fraternas discordias componerent, sibi quoque integrum Parthiae regnum assererent. Certe Procopius (b) nitide diserteque testatur quod ineunte Alexandri Severi imperio, hoc est anno V. C. 975. Artabanus Parthorum Rex *Arsacem* fratrem suum Armeniae Regem constituit; ideoque, dum *quarto* eiusdem Caesaris anno, sive V. C. 979. Artaxares Persa Parthiae regnum invasit, atque Artabanum Regem occidit, huius filii ad Arsacem illum Armeniae Regem, patrumque suum confugerunt; cumque Artaxares Armeniam quoque invadere conaretur, ab incolis, & Artabani filiis expulsus fuit. Interim vero Arsaces ille tranquille Armeniae regnum conservavit, atque Artabani fratris instar amicitiam cum Romanis coluit: unde Alexander Caesar, cum anno demum V. C. 986. contra Artaxarem Persam Romanis etiam Provinciis infestum moveret, tertiam militum suorum partem iussit (c) *δι' Ἀρμενίας ἐπελθῶσαν, φίλης Ρωμαίοις δοκῆσης, κατατρέχειν τὴν Μήδων χώραν per Armeniam, quae Romanis amica videbatur, iter facere, ac Medorum regionem incurfare*. Quamvis autem Armeniae Reges Arsacis huius posterius modo Romanis, modo Persis adhaeserint, ut inferius ostendetur, compertum est tamen quod Arsacidarum Artabani Parthi nepotes Armeniae regno ad annum usque V. C. 1165. sive Chr. 412. potiti sunt. Itaque, licet Artabani

E fra-

(a) Dio Lib. 58.

(c) Herodian. Libr. VI. c. 5.

(b) De aedific. Iustin Lib. I.

frater, qui una cum ipso in Parthiae regno imperavit, a nullo ex Scriptoribus peculiari suoque nomine distinguatur, idemque fortasse Artabani frater, qui Armeniae regnum ab illo obtinuit, a Procopio communi solum *Arsacis* nomine designetur; nihil tamen verisimilius hic asseri, vel admitti potest, quam ipsum paterno *Vologesis* nomine vocatum esse; quemadmodum sane in Arsacidarum historia unum idemque *Vologesis* nomen tum patri, tum filio, praesertim natu minori, tributum occurrit.

Quod si *Arsacis Vologesis* nomen non patri solum Parthiae Regi, sed filio quoque Armeniae Regi commune esse potuit, idque Vaillantius ipse concederet, qui in Zonarae (a) loco *Arsacem* legendum, atque *Arsacem Vologesem* intelligendum esse iam viderat (b), quo demum caractere, certaue nota ostendi iam poterit quod Nummi solo *Arsacis*, vel *Arsacis Vologesis* nomine insignes, ac notis ANT. ΔNT. ΞΤ. decorati ad Vologesem Parthorum, non vero potius ad Vologesem alterum Armeniorum Regem referri debeant? Quis Nummos alios, in quibus, dissimulato Regis nomine, soli caractères ΔΟΥ. ΠΤ. occurrunt, ad Artabanum Vologesis Parthici filium, non vero potius ad Tiridatem, quem Vologesis Armenii filium, ac Vaillantio prorsus incognitum fuisse ostendam, referendos esse probaverit? Certe Artabanus ille Parthorum Rex Herodiano (c) teste, victa fortasse Media, se Regem *Magnum* vocari, ac diadema duplex gestare voluit; ideoque Nummus, in quo ne simplex quidem Regis titulus conspicitur, unicumque diadema exhibetur, longe facilius alteri, quam Artabano Parthico, adscribendus videtur. Denique, si Nummi singuli a Vaillantio prolati non alteri, quam Parthico Regi, adscribantur, Arsacidarum aera ab anno V. C. 498. dimo-

(a) Annal. Libr. XI. c. 18.

(c) Libr. VI. c. 2.

(b) Pag. 291.



dimoveri certe non posset, quod tamen falsum aut saltem mire incertum esse iam vidimus. Sin vero ad Armenium Regem aliquem referantur, quemadmodum sane Minnifari Nummum Arfacidarum epocha & ipsum insignem non ad Parthiae, sed ad Armeniae Regem revocandum esse iam vidimus, omnia iam facile ac mire conspirant. Itaque in Nummis illis, nisi mea me fallit opinio, *Paribica* quidem, aut *Arsacidarum* Epocha agnosci debet; sed illi tamen ad *Arsacidas* non *Parthorum*, sed *Armeniorum* Reges referri debent.

Ac, ne coniecturis solum agere, iisque doctissimi Vaillantii sententiam Eruditis omnibus modo receptam convellere hic videar, perspicuis exemplis aliis ostendam Arfacidarum Aera ab ipsis etiam Arfacidis Armeniae solum Regibus usurpatam esse; simulque Vaillantii errorem, ejusque erroris originem demonstrabo. Eximium *Arsacis* cuiusdam Nummum exhibuit Vaillantius (a) in quo legitur ΒΑΣΙΛΕΩΣ ΑΡΣΑΚΟΥ Regis *Arsacis*, simulque conspicitur Aera ΑϞΥ. hoc est annus 491. Quum Vaillantius hunc Nummum duodecimo saltem anno cusum esse intelligeret postquam Artaxares, sive Artaxerxes Persa occiso Artabano, extinctoque Parthiae imperio *Persicum* regnum instituerat, Nummum illum Artaxerxi Persarum Regi tribuendum asseruit, qui cum Arfacidarum regno potitus esset, solum *Arsacis* nomen praecedentium Regum more in Nummis usurpavit. Deinde vero, cum Nummum alium invenisset, in quo legebatur ΒΑΣΙΛΕΩΣ ΒΑΣΙΛΕΩΝ ΑΡΣΑΚΟΥ Regis Regum *Arsacis*, atque Aera ΦΗ. sive annus 508. insculptus conspicitur, alterum hunc Nummum ad Saporem Artaxerxis filium, itidemque Persarum Regem revocavit (b); eidemque sane Nummum etiam alium tribuisset in Museo Theupolo vulgatum, in quo legitur ΑΡΣΑΚ. ΗΦ. *Arsacis* Anno 508.

E 2

Alte

(a) Pag. 391.

(b) Pag. 394.

Alte nimirum Cl. Vaillantii animo infederat Nummos omnes, in quibus Arsacidarum aera, consuetus Regis ornatus, & adversae partis typus occurrit, solis Parthorum Regibus adscribendos esse; ideoque non modo *Vologesem*, sed *Artaxersem* ipsum, & *Saporem* Parthicis Regibus inseruit.

Utrobique tamen Vaillantium praconceptae iam opinioni liberius indulgisse, adeoque in errorem abreptum esse putaverim. Quis enim existimet Artaxarem illum, qui non *Arsacida*, sed *obscurus*, & *inglorio genere ortus* erat, ut ait Zonaras (a), solo *Arsacis* nomine vocari voluisse; cum praesertim *Arsacidas* omnes tum Parthiae, tum Armeniae Reges acerrimo odio infectaretur, ipsorum alterum nefarie in Parthia obtruncasset, alterum in Armenia debellare conaretur? Quis Arsacidarum epocham ab Artaxare in Nummis insculptam putabit, cum Artaxares ipse aerae huius originem, Parthici nempe regni initium, quam qui maxime detestaretur? Quis ab Artaxare aut *Regis Regum*, aut *Regis magni* titulum hic omissum fuisse, odiosum vero *Arsacis* nomen usurpatum existimet; cum semper ille non alio, quam suo *Artaxerxis*, nomine, ac *magni Regis* titulo uti consueverit, atque in eadem ipsa legatione, quam ad Alexandrum Augustum misit, audacius dixerit *κελεύει μέγας βασιλεύς Ἀρταξέρξης* (b) *inbet magnus Rex Artaxerxes*, quem admodum prorsus Sapor alius Persarum Rex ad Constantium Augustum scribens ait (c) *Rex Regum Sapor Constantio*. Quid vero quod ne in tota quidem 27. Persarum Regum serie, qui Artaxerxi successerunt, ullus omnino occurrit, qui *Arsacis* nomen, aut cognomen usurpaverit; quod in omnibus tamen Parthorum, atque in pluribus Armeniae Regibus observatur? Quid quod

(a) Annal. lib. XII.

(b) Herod. Lib. VI. c. 3.

(c) Ammian. Marcell. Lib. XVII. c. 5.



quod a Graecis, & Latinis etiam Scriptoribus, ubi fortasse Symmachum (a), & Sidonium (b) exceperis, qui Persarum Reges insueto nomine *Arsacidas* appellarunt, *Arsacis* nomine nunquam Persarum, sed Armeniae solum rex designatur: ut Ammianus Marcellinus (c) ubi de bello adversus Persas a Juliano suscepto, moxque de foedere a Joviano Augusto cum Persis inito loquitur semper Armeniae Regem *Arsacis*, Persarum vero non alio, quam suo *Saporis* nomine designavit? Ita propemodum in ipsa quoque Regum illorum serie, qui florentibus adhuc Parthorum rebus in Perside imperarunt (d), nunquam *Arsacis* nomen occurrit; sed Reges illi semper suo, praesertim vero *Artaxersis* nomine appellantur; ut Artaxerses ille, qui paullo ante Isidori Characeni tempora, ideoque circa annum ab V. C. 700. floruit, atque a Gosthre fratre occisus fuit (e). Quid quod Agathias (f), qui historiam suam ex regibus Persarum archivis excerptam asserit, Herodianus (g), ac Syncellus (h) etiam nitide, disertèque testatur *Arsacidarum* imperium ab Arsace usque ad Artabanum 270. sive potius 470. annorum spatio perstitisse, atque ab Artaxare Persa deletum esse; adeoque aperte satis ostendit Artaxarem hunc, eiusque successores *Arsacidis* accenseri, atque *Arsacidarum* nomine vocari non posse? Quid denique, ne cetera hic persequar, quod Artaxersis huius aetate Persae Graecae linguae imperiti fuisse videntur; ideoque vix ac ne vix quidem effingi potest ipsorum Nummos Graecis characteribus signatos esse: quemadmodum sane pluribus Nummis, qui ad eiusmodi Persicos Reges Froelichio indice perspicue certoque referri debent, non *Graeci*, sed *Persici* solum, characteres inscripti conspiciuntur?

Sed

(a) Lib. X. epist. 22.

(b) Lib. VIII. epist. 9.

(c) Libr. XXIII. XXV. XXVII.

(d) Strab. Lib. XV. p. 728.

(e) Lucian. in Macrob.

(f) Lib. II.

(g) Lib. VI. c. 2.

(h) Pag. 286.

Sed nihil est tamen, quo uberius, ac illustrius ostendi possit duos Nummos illos, qui Artaxerxi, & Saporis Persarum Regibus a Vaillantio, & Froelichio adscribuntur, non ad illos, sed ad Arsacidas referendos esse, quam maxima, ac mira prorsus varietas, quae inter veros Arsacidarum, ac Persarum Regum Nummos reperitur. Siquidem in indubiis Persarum Nummis Regum tiara plumis, atque alis fere volitantibus exornatur; capilli veluti in orbem glomerati conspiciuntur; gemmae non in tiara solum, sed in ipso quoque Regum collo, vestibus, auribus, & capillis etiam insertae sunt, nullibique numerales notae, vel epocha exprimitur. Sic in adversa Persicorum Nummorum facie non sagittarius, non turritum mulieris caput, non victoria palmae ramum, aut coronam sedenti Regi porrigens, consueta nempe Arsacidarum symbola, sed ara cum igne, cui figurae duae hinc inde adstant, constanter ubique reperitur: quod, ut optime Froelichius ipse observavit, ad ignis, & Solis cultum apud Persas usitatum referri debet. Itaque mirari plane quis poterit cur Froelichius ipse, qui 14. ex Persicis Nummis istis accurate descripsit, eorumque signandorum ritum ab Artaxerse primo post Parthos Persico Rege institutum putavit (a), Vaillantii tamen vestigiis insistens Nummum cum epocha AqT 491. Artaxerxi Persae, alium cum epocha ΦH 508. Saporis eius filio, itemque Nummum alium, quem omnium primus is edidit, cum epocha ΦK 520. ad Saporem ipsum revocaverit (b): perinde quasi Persicorum Nummorum signandorum ritus ab Artaxerse institutus sub Sapore filio, atque ipsa quoque Artaxerxis aetate desierit, moxque a Saporis successoribus instauratus fuerit.

Quicumque haec, aliaque id genus accurate perpendent, facile profecto intelliget Nummos illos Ar-

faci-

facidarum epocha insignes, qui Artaxerfi, & Sapor  
 Persarum Regibus a Vaillantio, ac Froelichio tribu-  
 untur, ad solos Armeniae Reges, qui soli ex Arsa-  
 cidis extincto Parthorum Regno supererant, referendos  
 esse. Quod si duo hi Nummi Arsacis nomine, atque  
 aera inscripti ad Armenios solum Arsacidas spectare  
 debent, nullus promemodum dubitandi locus supererit  
 quin ad Armenios ipsos quatuor etiam Nummi alii  
 referendi sint, in quibus epocha 451. 460. 474. 480.  
 reperitur; cum praesertim in duobus postremis, in  
 quibus habentur anni 474. 480. ne ipsum quidem *Ar-*  
*facis* nomen occurrat; ac typus ille, qui in adversa  
 eorum facie conspicitur, Armeniis potius, quam Par-  
 thicis Nummis conveniat; cum idem ille Urbis Ge-  
 nius, sive turratum mulieris caput in duobus Tigranis  
 Nummis occurrat, qui sane non ad Parthos, sed Ar-  
 menos Reges spectavit. Persicae vero linguae periti  
 curiosius inquirant, an Artaxerfi, vel Sapor, vel al-  
 teri cuiquam Persarum Regi Nummi illi tribuendi sint,  
 qui Parthicis, ut putatur, sive potius Persicis chara-  
 cteribus insignes, apud Vaillantium (a), in Museo Theu-  
 polo (b), & Gesnero (c) occurrunt. Certe Vaillantio  
 quidem iudice ii Parthis Regibus adscribi non pote-  
 runt, cum & Arsaces ipsorum primus, & Artabanus  
 ipsorum postremus Graecis characteribus Nummos  
 signaverint; adeoque vel antiquis, vel facile recentio-  
 ribus Persarum Regibus adscribendi videntur. Id vero  
 mihi propositum fuerat, ut contra Vaillantium osten-  
 derem non modo quod ex superstitionibus Arsacidarum  
 Nummis ipsorum epocha perspicuis adeo Veterum  
 testimoniis a me constituta refelli non potest; verum etiam  
 quod haec ipsa Arsacidarum epocha non a Parthiae  
 solum, quod Vaillantius putaverat, sed etiam ab  
 Armeniae Regibus usurpata, Nummisque inscripta  
 fuit

(a) Pag. 396.

(c) Tab. II. num. 3.

(b) Pag. 1222.



fuit, quod haecenus Vaillantio, ceterisque Eruditis omnibus incompertum erat.

Iam vero facile quilibet ex Nummis illis antea recensitis ei Armeniae Regi adscribi a me poterit, a quo cusus fuit, simulque Armeniae Regum series, quae in Vaillantio mutila, ac depravata conspicitur, restitui, ac suppleri. Afferit Vaillantius quod Arsaci II. Artabani fratri in Armeniae regno filius Artavasdes vel Artabasdes successit, qui Pollione (a) teste Saporī Persarum Regi suppetias adversus Valerianum Caesarem miserit. Mox Anonymum quendam Armeniae Regem Artavasdis huius filium, ac successorem exhibet, qui Christianam religionem sub Diocletiano Caesare amplexus Maximinum Caesarem in bello adversus Narsem Persarum Regem suscepto adiuvit; tandemque Tiridatem III. huius Anonymi filium, atque Artavasdis nepotem Constantini M. temporibus ad Christianam religionem, a qua Armenii defecerant, rediisse scribit Vaillantius. Ac postremam hanc quidem historiae partem ex perperam intellecto Sozomeni loco in Vaillantium irrepsisse eruditus Vir observavit, qui Arsacidarum historiam a Vaillantio contextam edidit; ideoque Tiridatis huius loco Anonymum alium Anonymi filium, atque Artavasdis nepotem in Armeniae Regum serie recensendum asseruit. Ego vero perspicuo Zonarae testimonio deprehendi quod *Arsaci* II. Artabani fratri non *Artavasdes*, sed *Tiridates*, successit, qui patris instar Persarum Regibus infensus fuit. Etenim Scriptor ille de Galli, & Volusiani imperio loquens, ait (b): Ἡρῆατο δ' αὐθις ἐπὶ τῆς ἡ κίνησις τῶν Περσῶν, καὶ κατεσχέθη παρ' αὐτῶν ἡ Ἀρμενία τῇ ταύτης βασιλείᾳ Τυριδάτη φύγοντος, τῶν δὲ παιδῶν ἐκείνῃ προσφύεντων τοῖς Πέρσαις sub hoc motus Persarum recrudit, qui Armeniam occuparunt, Tyridate Rege fuga elapso, cuius filii se ad hostes contulerant. Ergo, si  
Tiri-

(a) Cap. IV.

(b) Annal. Libr. XII. c. 21.

Tiridates ille in primis Persarum motibus Galli Caesaris aetate Armeniae regno spoliatus fuit, id anno V. C. 1006. sive Chr. 253. contigisse debuit, quo Sapor Persarum Rex Armeniam, aliasque Orientis provincias invasit; ut optime proinde Artavasdes, qui superflite adhuc Tiridate patre Saporis partes amplexus fuerat, anno Chr. 258. una cum Sapore ipso adversus Valerianum Caesarem militaverit, ut testatur Trebellius. Itaque Tiridates ipse inter Arsacem II., & Artavasdem inseri debet, eique duo Nummi adscribendi sunt, in quibus epocha, sive annus 474. & 480. reperitur, quorum alter ad annum Chr. 246. alter vero ad 252. spectavit. Artavasdi autem eius filio Nummus alius tribuendus erit, in quo reperitur epocha 491. ideoque ad annum Chr. 263. revocandus est. Denique Nummus alius epocha 508. sive anno Chr. 280., & fortasse quoque Froelichii Nummus epocha 520. sive anno Chr. 292. insignis, quem Cl. Scriptor Saporis Persarum Regi adscripserat, Artavasdis filio tribuendus erit, cuius nomen ignoratur, eiusque Arsacis pater, aut avus dicendus ille erit, qui Constantii Caesaris aetate Armeniis imperavit<sup>(a)</sup> & Param filium in Armeniae regno successorem habuit.

F

§. IV.

(a) Ammian. Marcel. Lib. 27: c. 12.



## §. IV.

*Nummus Arsami Persicae stirpis Regi  
tributus*

*ad Arsamem Ciliciae Regulum,*

*sive*

*ad Arsacem Parthiae, vel Armeniae Regem  
revocatur.*

**N**ummos omnes, in quibus aut *Arsacis* nomen, aut etiam, dissimulato Regis nomine, sola *Arsacidarum* epocha una cum solito *Arsacidarum* Regum ornatu, vel symbolo reperitur, ad solos *Arsacidas* olim *Parthiae*, mox *Armeniae* Reges referendos esse superius ostendi; ideoque Nummos, in quibus utrumque expressum conspicitur, prorsus immerito ad *Persarum* Reges a *Vaillantio*, & *Froelichio* revocatos esse demonstravi. Ipsa rerum affinitas atque connexio nunc postulat, ut eximium quoque Nummum alium, qui nuper doctissimi Viri diligentia lucem adspexit, atque aliorum instar ad *Persicae stirpis Regem* revocatus fuit, non ad alios facilius, quam ad *Arsacidas* ipsos *Armeniae*, vel *Parthiae* Reges, referendum ostendam.

*Cl. Froelichius*, qui maximo atque admirabili prorsus ingenii acumine, ac eruditionis ubertate de re Nummaria praeclare iam meritus fuerat, anno superiori 1752. *Regum Veterum Numismata anecdota, aut perrara* edidit, ac illustravit. Inter eiusmodi Reges Eruditis omnibus hactenus ignotos habendum esse putavit *Arsamem* quendam, cuius aeneum mediae formae Nummum in *Austriaco Museo* ipse omnium primus observaverat. Nummus ille, ut a *Froelichio* describitur (a),  
in



in antica parte *Caput mitra Persica conoide tectum*, vultu pinguculo, & imberbi exhibet; in adversa vero *Thyrsum cum duabus fasciis decussatis una cum epigraphe* ΒΑΣΙΛΕΥΣ ΑΡΣΑΜΟΥ ΘΕΟΣΕΒΟΥΣ ΚΑΙ ΔΙΚΑΙΟΥ *Regis Arsamis Deum colentis, & Iusti*. Quandoquidem ergo in hoc Nummo non ΑΡΣΑΚΟΥ *Arsacis*, sed nitide distincteque legitur ΑΡΣΑΜΟΥ *Arsamis*, Cl. Editor existimavit hunc Nummum ad *Arsamem* quendam referendum esse, qui in Perside imperaverit; cumque ex Historicis varios quidem eius nominis viros memorari conspiceret, sed nulli tamen verisimilius hunc Nummum adscribi posse censeret, quam *Arsami*, qui *Darii Codomani*, ut *Froelichius* quidem existimat, postremi nempe *Persarum Regis*, pater fuit, novum hunc Regem hactenus incognitum eruditis viris exhibuit.

Ego vero, doctissimi viri pace, Nummum ipsum neque ad *Arsamem* *Darii* patrem, neque ad ullum ex veteribus, ac recentioribus etiam *Persarum* Regibus referri posse crediderim, sed ad *Arsacem* aliquem spectasse existimo, qui vel in *Parthia*, vel in *Armenia* imperaverit; aut certe, si non *Arsacis*, sed *Arsamis* cuiusdam, Nummus esse ille debeat, ad *Arsamem* potius *Ciliciae* Regem revocandum esse putaverim.

Ac initio quidem, ut Nummum *Arsami* *Darii* patri adscribi non posse ostendatur, simulque verum *Darii* genus hactenus obscurum paullo subtilius, atque accuratius demonstraretur, observari plurimum velim, quod *Arsames* ille *Darii* *Codomani* pater neque regia stirpe genitus, nec unquam *Regis* titulo aut honore decoratus fuit. Facile id quidem novi quod in vulgato *Diodori* loco, quem *Froelichius* etiam exscripsit, *Arsames* ille veluti *Artaxerxis* *Ochi* frater, adeoque *Artaxerxis* *Memnonis* *Persarum* *Regis* filius (a) exhibetur. Etenim de *Dario* loquens *Diodorus* ait: Οὗτος ἦν υἱὸς μὲν Ἀρσάνου, ὃς ἦν ἀδελφὸς Ἀρταξέρξε

τῷ Περσῶν βασιλεύσαντος hic filius quidem erat Arsanis, qui frater fuit Artaxersis Persarum Regis. Sed, ut optime Rhodomannus, ac Weslingius observarunt, in Codicibus aliis legitur υἱὸς μὲν Ἀρσάνε τῷ Ὀσανί, ὅς ἦν ἀδελφὸς filius quidem Arsanis nepos Ostanis, qui frater, &c. atque ita fano in Diodori textu Ostanis etiam nomen legendum esse pluribus, optimisque rationibus Interpretes illi ostenderunt; adeoque Diodori loco sic restituto Arsames Darii Regis pater Ostanis filius, & Ochi patruelis esse deberet. Mihi tamen vehemens suspicio suboritur quod Diodori locus, addito quoque Ostanis nomine adhuc mutilus sit, eiusque narratio hac in parte minus accurata, & falsa censenda sit; cum Arsames Darii pater nihil prorsus ad regium Persarum stemma spectaverit. Etenim Diodorus ipse, veluti sibi inconstans, atque ab eius Historici, quem pridem exscripserat, sententia discedens, quum dixisset Arsen Persarum Regem a Bagoa eunucho una cum liberis interemptum esse, subdit: (a) ἐρήμῳ δ' ὄντος τῷ Βασιλέως οἶκε, καὶ μηδενὸς ὄντος τῷ κατὰ γένος διαδεξαμένῳ τὴν ἀρχὴν, προχειρισάμενος ἓνα τῶν φίλων Δαρεῖον ὄνομα, τῷ συγκατεσπύασε τὴν βασιλείαν regia domo sic ad solitudinem redacta, nemo ex ea gente supererat, qui successionem in regno sibi vindicaret. Darium ex amicis quendam in possessionem collocat. Ergo Darius Bagoae quidem amicus, sed ex ipsa tamen Regum stirpe oriundus non erat; alioquin sibi successionem in regno vindicare ille poterat. Ita propemodum Strabo (b) asserit a Bagoa Darium electum esse ἐκ ὄντων τῷ γένει τῶν Βασιλέων, qui ex Regum genere non erat. Hinc Alexander apud Curtium (c) Dario exprobravit, quod ille non hereditarium Persarum regnum accepit; atque in epistola ad ipsum data (d) ait quod ille regnum εἰς δικαίως, κατὰ

(a) Loc. cit.

(b) Lib. XV. pag. 736.

(c) Lib. V. c. 11.

(d) Arrian. Lib. II. pag. 100.

κατὰ τὸν Περσῶν νόμον neque iuste, neque secundum Persarum legem obtinuit. Accedit etiam quod Darius non alio, quam *Astandis*, nimirum *Cursoris*, aut etiam, si libeat, *Cursorum Praefecti*, munere initio fūgebatur, (a) quod privato quidem ex Persarum primoribus conveniens, sed regio tamen Principe indignum putabit quicumque regiam Persarum maiestatem spectaverit. Neque *Astandes* solum, sed etiam Plutarcho teste aliorum privatorum instar Regis δῆλος servus erat; quem admodum Aelianus (b) ait quod Δαρείος δῆλος, sive ut optime Gronovius legendum esse demonstrat, δῆλος, aut δῆλος υἱός ἢ *Darius servus*, aut *servi filius* erat; unde non regiae stirpis gloria, sed solo roboris & bellicae virtutis merito mox ab Ocho Armeniis praefectus fuit (c). Itaque Arsames Darii pater spectati quidem generis, sed non regii, fuit; ideoque ab illo Arsame perspicue certoque distingui debet, qui ab Ocho eius fratre una cum ceteris regiae stirpis Principibus occisus fuit. Hinc optime Sisigambis Darii mater dum infortunia sua enumerat ait octoginta fratres suos eodem die ab Ocho saevissimo Regum trucidatos, adiectumque stragi tot filiorum patrem: e senem liberis, quos genuerat ipsa, unum superesse, nempe Oxyathrem, quem inter amicos Alexander receperat, (d) ipsum *Darium* floruisse paullisper ut crudelius posset extingui (e). Quis hic aperte non videat quod si Sisigambis eius Arsamis uxor fuisset, qui ab Ocho fratre interemptus fuit, Sisigambis ipsa non patris solum, fratrumque caedem ab Ocho patratam, sed etiam Arsamis mariti mortem principe loco memorasset; quem admodum prorsus nefarius Rex Ochus una cum Arsame, *Darium* quoque trucidasset, si vere hic ab Arsame Ochi fratre natus fuisset; adeoque ad regni successio-

(a) Plutar. de fort. Alexan.

(b) Var. Hist. Lib. XII. c. 43.

(c) Iustin. Lib. X.

(d) Curt. Lib. VII. c. 5. Diod. Lib. XVII. c. 34.

(e) Curt. Lib. X. c. 5.




cessionem, sublato Ocho patruo, adspirare potuisset? Ac certe quidem Iustinus (a) asserit quod Ochus *timens parem coniurationem* illi, qua nuper quinquaginta Artaxerxis Memnonis filii in patrem insurrexerant, *regiam caede, & strage Principum replevit*; (b) & Valerius Maximus ait quod ille *patruum cum centum amplius filiis, ac nepotibus iaculis confixit*. Quo sane illustri Iustini, ac Valerii testimonio, si cum superiori Curtii loco conferatur, non modo perspicue apparet quod Sigambis ad regium Principum ab Ocho interemptorum genus spectabat, ideoque vel Oxyathris, vel potius Ostanis, filia erat, qui simul cum liberis ab Ocho fratris filio interemptus fuit; verum etiam facilis, ut opinor, verusque modus affulget, quo vitiatum ille Diodori locus apte restitui possit, ut Diodorus ipse, cum Scriptoris aliis componi, sibi que constare videatur. Quid enim si in Diodori textu ubi vitiose certe de Dario nunc legitur *ἔτος ἦν υἱὸς μὲν Ἀρσάνης τῷ Ὀσάνῃ, ὃς ἦν ἀδελφὸς Ἀρταξέρξε* hic filius quidem erat Arsanis filii Ostanis, qui frater fuit Artaxerxis, levi, facili que mutatione rescribatur *ἔτος ἦν υἱὸς μὲν Ἀρσάνης τῷ γαμβρῷ τῷ Ὀσάνῃ* hic filius quidem erat Arsanis generi Ostanis; sive, si libeat, *ἦν υἱὸς μὲν Ἀρσάνης, καὶ τῆς θυγατρὸς τῷ Ὀσάνῃ* filius erat Arsanis, & filiae Ostanis? Ita sane duobus solum vocibus τῷ γαμβρῷ in textu alioquin mutilo restituti, quae ob iteratum articulum τῷ a celeri exscriptore praeteriri facile poterant, integer Diodori locus cum ceteris Scriptoribus, ac Diodoro ipso conspirabit. Sed longe tamen concinnior, ac nisi mea me fallit opinio, vera Diodori lectio esse debet: *ἔτος ἦν υἱὸς μὲν Ἀρσάνης, θυγατρὶ δὲ Ὀσάνῃ* hic erat filius quidem Arsanis, nepos autem ex filia, Ostanis. Siquidem particula *μὲν*, quae praecesserat, facilius requirit ut alia *δὲ* consequatur, ideoque Darius Arsanis quidem filius, Ostanis autem nepos, vel filiae filius dicatur. Ceterum,

quae-

(a) Lib. X.

(b) Lib. IX. c. 2. n. 7.

quaecumque demum emendatio eligatur, semper unus idemque sensus prodibit; atque illustrius adhuc constabit quod Arsames ille, cui Sisigambis nupta fuit, ex illustri quidem genere natus erat, ut ipsi regiae stirpis femina desponderi potuerit; sed ad ipsum tamen regium genus referri, aut Ochi Regis frater esse non poterat, ut in subiecto Stemmata apparet.



Atque ista quidem paullo fortasse uberius exposita sint, ut gravis ille Diodori locus intelligi, verumque Sisigambis, Arsamis, ac Darii genus haecenus imple-  
 xum ostendi posset; ut exinde quoque facile depre-  
 henderetur Arsamen Darii patrem neque regio Per-  
 sarum genere natum, neque *Regis* titulo unquam do-  
 natum fuisse; ideoque Nummum *Arsamis Regis* nomi-  
 ne insignem ipsi adscribi non posse.

Sed, quamvis etiam liberius concedatur Arsamen Darii patrem cum Arsame Ochi Regis fratre confundi posse, ut ex depravato Diodori loco putavit Froeli-  
 chius, quo tamen vede, vel argumento probari un-  
 quam poterit hunc Ochi fratrem aliquando *Regis* ti-  
 tulo decoratum fuisse; ut proinde Nummus *Regis* titu-  
 lo, erectaque tiara insignis ab illo cudi potuerit? Plu-  
 tarchus (a) quidem asserit quod Artaxerxes, ut Ochum  
 filium

(a) In Artaxer.

alium de regni consequendi spe deiceret, Dario natu maximo regium nomen concessit, ipsique indulgit *κίθαριν ὀφθῆναι φέρειν cidarim erectam gestare*, hoc est, ut ait Iustinus (a), insignia maiestatis suae; cum erectam cidarim, vel tiaram deferre solis Regibus apud Persas liceret (b). Afferit etiam Plutarchus quod Artaxerxes Arsamem filium alium non iustis nuptiis, sed ex pellice susceptum eximio amore complectebatur; sed nulli tamen Plutarchus ipse, vel Iustinus, vel Scriptor alius indicavit hunc Arsamem *Regis* titulo donatum esse, quamvis id de Dario natu maximo memoraverint. Quinetiam ex integro Plutarchi loco oppositum potius perspicue demonstratur. Etenim, si Artaxerxes non alia de causa Dario primogenito regios honores vivens adhuc concessit, quam ut Ochum ab affectandi regni spe deiceret, filioque natu maximo imperium affereret, qui fieri unquam potuit, ut Arsami notho filio pares omnino regios honores tribueret, ideoque non solum Ochi, sed Darii quoque animum acrius incenderet? Haec perspicue satis, opinor, ostendunt regium nomen Arsami Ochi fratri concedi non posse; cum praesertim ex veteri Persarum lege, nonnisi defuncto Rege usurpari illud posset; ac mirae prorsus Artaxerxis humanitati tribuatur, quod ille superstes adhuc regios honores Dario, primogenito nempe filio, ac successori concesserit.

Froelichius (c) tamen subtiliter ille quidem, ac ingeniose coniecit quod *Regis* nomen non supremis solum Persarum Regibus, qui proinde *Regum Reges* dicebantur, sed Satrapis etiam, aut Urbium Praefectis tribui consueverit; idque Memnonis Rhodii exemplo confirmari posse putavit, qui Hermiam Atarnensium tyrannum occidit, atque ab Aristotele *Persarum Rex* appellatur cum ait (d)

Tόρσε

(a) Lib. X. c. 1.

(b) Xenoph. de Exp. Lib. II.

Viden. Briffon. Lib. I. n. 46.

(c) Pag. 21.

(d) Laert. Lib. V. seg. 6.



Τόνδε πότετ' ἐχέστως, παραβὰς μακάρων θέμιν ἀγνὴν  
Ἐκτείνειν Περσῶν τοξοφόρων Βασιλεὺς.

*Hunc olim inique, violans sanctum beatorum ius  
Occidit Persarum arcitentium Rex :*

quo sane loco *Regis* nomine Froelichius Memnonem ipsum Asiaticae orae Praefectum designari putavit.

At reponi facile poterit quod Hermias ille Diodoro (a) teste non a Memnone, sed a Mentore, captus fuit, quem Diodorus ipse non *Regem*, sed Στρατηγὸν αὐτοκράτορα Praefectum, & Σατράπην Satrapam appellavit. Sed, quamvis etiam Strabonem hic potius sequamur, cui Poliaenus (b) & Aristoteles (c) ipse confentit, idque a Memnone factum dicatur, nunquam tamen inferri inde poterit *Regis* nomen ab Aristotele aut Mentori, aut Memnoni concessum fuisse. Siquidem Strabo non modo Memnonem illum ὑπερέτην, ἢ Στρατηγὸν *Ministrum*, & Praefectum appellat; verum etiam perspicue testatur quod Hermias a Memnone quidem dolo captus, atque ad Artaxersem missus; sed ab Artaxerse tamen in Perside in crucem actus fuit. Ergο τοξοφόρων Περσῶν βασιλεὺς arcitentium Persarum Rex, qui Hermiam occidit, ex ipso quoque Strabonis testimonio non Memnon, sed Artaxerxes solum intelligi profecto debet; & quamvis etiam Hermias non alterius, quam Memnonis, manu interemptus foret, semper tamen id Artaxerxi potius a Poeta adscribi potuisset, cuius imperio mors illa inflata fuerat. Itaque, nisi perspicua, & certiora exempla proferantur, vix ac ne vix quidem effingi poterit erectam cydarim, & *Regis* nomen aut Satrapis, aut Praefectis aliis in Perside concessum esse; quemadmodum sane Cyrus quamvis ab Artaxerse

G

Me-

(a) Lib. XVI. c. 52.

(b) Stratab. Lib. VI. c. 48.

(c) Oecon. Lib. II. p. 692.

Memnone fratre tum Lydiae (a), tum maritimis Satrapiis omnibus praefectus esset, nunquam tamen *Regis* nomen obtinuit, nullibique legitur quod *erectam* cydarim, Regis nempe insigne, gestaverit.

Sed utrumque tamen aliquando licuisse fingatur, ut Persidis Praefecti, eorum Regum instar, qui Persarum imperio obnoxii fuerant, *Regis* nomen acceperint; quis tamen existimet ab iis Nummos tiara Regisque titulo insignes cudi potuisse; cum ubique gentium signandae monetae ius ad Reges spectaret; ac nullo prorsus exemplo ostendi possit Nummos ab alio signatos esse, quam qui legitimo imperio potiretur, aut certe simul cum imperio, cudendae quoque monetae ius usurpasset? Certe Asander, dum adhuc Bosphorus in alterius potestate foret, in Nummis se *Ethnarcham*, & *Archontem* vocavit (b); ubi vero Bosphori imperium sibi ab Augusto concessum fuit, regum quoque nomen Nummis inscripsit. Ac sane, si in Persarum, Parthorum, aliarumque Gentium Nummis non sola *Regum*, sed ipsa quoque *Satraparum*, vel *Praefectorum* nomina eodem ipso *Regis* titulo insignia inscribi potuisse quis dixerit, iam facile Regum series Nummorum ope contexta perturbabitur; nulloque discrimine veri, a fictiis his Regibus distinguantur, adeoque maxima Nummorum utilitas miris ambagibus irretietur. Ergo, nisi perspicuis testimoniis aliis appareat a Satrapis ipsum quoque *Regis* nomen usurpatum, ac Nummos signatos fuisse, ut de Ponti, Thraciae, & Cappadociae Satrapis mox ostendetur, prorsus immerito Nummus aliquis ignoti Regis nomine insignis ad Satrapam, vel Praefectum aliquem referretur.

Nihil est tamen cur his, aliisque id generis argumentis hic immorer, cum ex ipsa quoque characterum forma perspicue deprehendi possit quod Froelichii Nummus

(a) Xenoph. de Exped. Lib. I.  
Justin. Lib. V.

(b) Vaill. pag. 210. & 212.

mus neque ab Arsame Darii patre, neque ab Arsame Ochi fratre, neque ab ullo Persicae stirpis Rege cudi potuit. Etenim Arsamis, & ipsa quoque Darii aetate Graeca lingua Persis incognita, ac peregrina fuit, adeoque Persarum singuli, ac praesertim Reges, non alio, quam patrio Persarum idiomate utebantur. Hinc Themistocles cum patria pulsus ad Xersem Persarum Regem confugisset, eumque remotis arbitris, ac sine interprete alloqui cuperet, unius anni spatio Persicae linguae addiscendae incubuit (a); quemadmodum Alcibiades dum in Perside versaretur linguam ipsam didicisse legitur (b); & Pencestes, quem Alexander Macedo Persidis Satrapen constituit, Persice loqui curavit, ut facilius viris Persice solum loquentibus imperaret. Ac, ne cetera id genus exempla persequar, perspicuo quoque Curtii loco erudimur Darii temporibus Graecam linguam Persis incognitam fuisse. Etenim Curtius (c) cum insidias a Besso Dario Regi structas a Patrone Graecorum Duce deprehensas esse dixisset, subdit quod Patro Regi nunciavit se, *sed remotis arbitris, loqui velle cum eo; iussusque propius accedere, sine interprete (nam haud rudis Graecae linguae Darius erat)* insidias a Besso structas indicavit. Bessus vero, quanquam erat Graeci sermonis ignarus, tamen stimulante conscientia indicium profecto detulisse Patronem credebat, & interpretis Graeci relato sermone exempta dubitatio. Quis non intelligat Graecam linguam ita Persis ignotam fuisse, ut Graecis Regem allocuturis interpret adhibendus esset; Bessus ipse Regis Praefectus eius linguae imperitus foret; idque peculiari Darii gloriae tribuatur, quod Graeci idiomatis non omnino rudis haberetur? Itaque, si in tanta Persici imperii gloria Persarum Reges suis omnino moribus, suoque idiomate utebantur, quis in Persarum Nummis non Persicos, sed Graecos potius characteres

G 2

(a) Quintil. Lib. XI. c. 2.  
Plutar. in Them. Corn. Nep. c. 30.  
Diod. Lib. XI. c. 57.

(b) Athen. Lib. XII. c. 9.  
(c) Lib. V. c. 11.



rañeres usurpatos esse arbitretur ; ut proinde Arsamis, ac Darii aetate Persici Nummi cum Graeca epigrapha cuderentur? Proximis quidem temporibus a Parthis Regibus fieri id potuit, cum instituto iam Seleucidarum imperio, Syriaeque Regibus in Perside, ac Parthia imperantibus Graeca lingua frequentius adhiberetur, ac praecedentium Regum aetate Nummi Graeca epigrapha insignes in Parthia viderentur. Quis tamen ea quoque aetate id fieri potuisse existimet, qua Persae imperii sui maiestatem conservabant, & Graecos omnes veluti barbaros fere averfabantur?

Quod si fortasse quis dixerit hunc Nummum in Graecanica quadam Asiae urbe cūsum fuisse, in qua Arsames Ochi frater *Satrapae*, vel *Praefecti*, vel *Regis* nomine frueretur, non modo argumenta cetera superius exposita opponi possent, sed illud etiam huic conjecturae perspicue adversabitur, quod Arsames Ochi frater, veluti patri carior, Artaxerxis patris lateri semper adhaeserit; ut proinde Plutarcho teste Artaxerxes occiso Dario magis ac magis amplexus sit Arsamen, nec obscure tulerit ei in primis se fidere, atque in eius finem omnia deponere. Itaque immerito prorsus fingeretur Arsamen aut Urbis aut Provinciae Praesidem, ac Regem fuisse, ut in illa Nummi Graecis characteribus exarati, eiusque vultu insignes cudi potuerint. Accedit etiam quod Regis vultus Nummo inscriptus *pinguiculus*, & *imberbis* est, ideoque Regi cuidam adscribendus videtur, qui aetate floreret. Arsames autem ille Ochi frater facile quinquagesimum annum iam attigerat, quum iampridem Darius eius frater 54. aetatis anno Regios honores a patre obtinuerit. Itaque Nummus ille, qui *Arsamis* nomen, ac Regiam dignitatem Graecis hisce literis exhibet, neque *Arsami* Darii patri, neque ulli prorsus ex antiquis Persarum Regibus adscribi potest.

Nihil est autem cur in inquirendo Rege diutius immerer, cui Nummus ille tribuendus sit. Etenim vix  
ullus

ullus dubitandi locus esse iam poterit quin solum *Arfacis* nomen ipsi inscriptum credatur, adeoque Nummus ad aliquem ex *Arfacidis* sive *Parthiae*, sive *Armeniae* Regibus referatur. Froelichius quidem semel iterumque admonuit in illo non ΑΡΣΑΚΟΥ sed ΑΡΣΑΜΟΥ exaratum, ideoque non *Arfacis*, sed *Arsamis* legendum esse. Sed eiusmodi tamen argumenti vis facile elidi poterit, si observetur quod in pluribus etiam aliis *Arfacidarum* Nummis, ut innumera aliorum Nummorum exempla omittam, in *Arfacis* nomine peccatum fuit. Sic in *Arfacis* XXVI. Nummo apud Vaillantium legitur ΒΑΣΙΛΕΩΣ ΒΑΣΙΛΕΩΝ ΑΡΣΑΝΟΥ ΕΤΙΡΓΙΤΟΥ ΔΙΚΑΙΟΥ ΦΙΛΕΛΛΗΧΟΣ, quatuor nempe errores ab imperito artifice admissi sunt, Regisque nomen, si Froelichium sequamur, non *Arfaces*, sed *Arsanis* esset. In *Artaxerxis* *Arfacis*, ut putat Vaillantius (a), sive, ut ostendi, *Tiridatis* Nummo legitur ΑΡΓΑΚΟΥ; ideoque novus, & incognitus Rex alius *Argaces* fingi deberet. In Nummis aliis habetur ΑΡΣΑΧΟΥΣ, adeoque *Arfachis* nomen hic temere cudendum foret. Denique in *Saporis*, si Vaillantium audimus (b), hoc est in *Artavasdís* filii Nummo legitur ΑΡΣΑΠΚΟΥ *Arspcis*, adeoque novus Rex alius admittendus esset. Quemadmodum ergo in Nummis istis solo artificis vitio factum fuit, ut ΑΡΣΑΚΟΥ, vel ΑΡΣΑΝΟΥ, vel ΑΡΣΑΠΚΟΥ exaratum foret, nullumque prorsus aliud, quam *Arfacis*, nomen ubique intelligi vel admitti debet; ita quoque in Nummo, quem Froelichius exhibuit, quamvis aberrantis Sculptoris vitio exaratum fuerit ΑΡΣΑΜΟΥ, non aliud tamen, quam *Arfacis*, nomen agnosci debet; ideoque hic etiam Nummus non ad incognitum Regem aliquem, multoque minus ad *Arsamem* *Darii* patrem, sed ad *Arfacem* aliquem spectavit.

Ne tamen in characteribus huic Nummo inscriptis errorem liberius fingere hic videar; ideoque Num-

num

(a) Pag. 391.

(b) Pag. 324.

num *Arsaci* tribuere, quem facile fortasse quispiam doctissimi Viri iudicio, & autoritate abreptus ad *Arsanem* quendam referendum esse contendat, id unum coronidis loco addidisse nunc libet, quod si Nummus ille non ad *Arsacem*, sed ad *Arsamem* potius spectaverit, ex pluribus tamen *Arsamis* a Froelichio memoratis non alteri sane Nummum concesserim, quam *Arsami*, qui *Darii* temporibus *Ciliciae* praefuit; cum facile is solum *Regis* etiam titulo insignis videatur. *Arrianus* (a) quidem ait quod *Alexandro* *Ciliciae* fines ingresso ἀγγέλλεται Ἀρσάμης ὅτι πρόσθεν μὲν ἐπενόει διασώζειν Πέρσας τὴν Τάρσον . . . ὁ Ἀρσάμης μαθὼν αὐτῷ τὴν ὁρμὴν σπεῖδι φεύγει ἐκ τῆς Τάρσου παρὰ βασιλέα Δαρείον nuntiaturum est *Arsamem*, qui initio *Tarsum* *Persis* conservare flatuerat . . . *Arsames* certior factus de eius adventu confestim ex *Tarso* ad *Regem Darium* fugit. Ita propemodum *Curtius* (b) narrat quod *Arsanes*, qui *Ciliciae* praecerat, igne ferroque *Ciliciam* vastat, ut hosti solitudinem faciat. Nullibi vero aut *Curtius*, aut *Arrianus*, aut ullus Scriptor alius huic *Arsami*, qui *Ciliciae* praecerat, eamque *Persis* conservare cupiebat, *Regis* nomen concessit; ideoque semper ambiguum, & obscurum foret an ab illo Nummus cudi, *Regisque* titulo ornari potuerit. Quamvis tamen a Scriptoribus illis huic *Arsami* *Regis* nomen nitide diserteque non tribuatur; illustri tamen *Xenophontis*, & *Ctesiae* testimonio deprehendisse videor, quod facile *Regis* etiam nomen iis temporibus *Ciliciae* Praefectis *Persarum* imperio subiectis concedebatur. Etenim *Xenophon* (c) ubi de *Cyri* minoris expeditione adversus *Artaxersem* *Memnonem* fratrem exeunte *Olymp.* 95. suscepta loquitur, singulos Ἀρχοντας τῆς Βασιλείας χώρας Praefectos regiae ditionis enumerat, atque inter alios *Cappadociae* *Mithridatem* (d), *Thraciae* *Seuthem*, *Syennesium* *Cili-*

(a) Libr. II. p. 89.

(b) Lib. III. c. 4.

(c) Libr. VII. pag. 250.

(d) Libr. I. p. 146. 147.



Ciliciae, Pharnabazum Bithyniae memorat. Alibi vero Syennesium ipsum iterum tertioque τῶν Κιλικίων Βασιλέα *Cilicum Regem* fuisse dicit, urbemque Tarsum eius βασιλείον *regiam* appellat; quemadmodum Herodotus (a), ubi regiae classis Duces enumerat, qui Olymp. 75. Xersem adversus Graecos dimicaturum sequuti sunt, Syennesium Cilicem Oromedontis filium memorat, qui facile Syennesis huius Ciliciae Regis avus fuit. Ctesias quoque accuratus ille Persicorum Scriptor Artaxerxi Memnoni, & Cyro coevus ait quod utrique fratri favere conabatur Συέννεσις ὁ Κιλικίων βασιλεὺς *Syennesis Cilicum Rex* (b). Itaque dubitari non poterit quin, sicuti Mithridati, & Seuthi, quorum maiores initio Satrapae solum, & Provinciarum Praefecti fuerant, regium quoque nomen, cudendaeque pecuniae ius a Persarum Regibus concessum, eorumque posteris conservatum fuit (c), ita quoque Syennesi Ciliciae Praefidi *Regis* titulus signandaeque monetae potestas concessa fuerit, quae haereditario veluti iure ad posteros etiam profluxerit. Ergo Arsames ille, qui Darii temporibus Ciliciae praecerat, ac fortasse Syennesis filius, aut nepos fuit, eodem ipso *Regis* titulo ornari, aliorumque eiusmodi Regum exemplo Nummos signare potuit; quemadmodum prorsus temporibus mox insequentis *Tarcondimotus* (d) Ciliciae Rex Nummos signavit, quos omnium primus Cl. Maffei exhibuit, atque erudite illustravit. Certe in hac hypothese facile intelligi, & explicari iam poterit cur *Arsamis* Nummus non Persicis, sed Graecis characteribus in Cilicia usitatis exaratus sit; cur Arsames ipse non Persico ritu barbatus, sed imberbis videatur; cur *Regis* titulo, Cappadociae, Pontii, Thraciae, aliarumque Gentium Satrapis Persarum imperio subiectis communi decoretur; cur tiaram eadem

(a) Libr. VII.

(b) Apud Phot. Cod. 72.

(c) Vid. Vaill. Hist. Ponti

P. 6.

(d) Antiqu. Gall. p. 15.

dem prorsus forma conoidem, & erectam gerat, quae ornatio solum in Mitridatis etiam Ponti *Satrapae*, simulque *Regis* Nummo conspicitur (a); praesertim vero cur in adversa Nummi facie non *Sagittarius*, aut alia Parthicorum, vel Persicorum Nummorum symbola, sed *Thyrus* occurrat, qui Bacchi cultum Cilicibus usitatum exprimat. Ac certe quidem apud Cilicas Bacchi cultum non modo floruisse, sed Nummis etiam insculpi, vel exprimi consuevisse ex duobus Cilicum, vel Tarsensium Nummis in Museo Theupolo (b) nuper vulgaris observavi, in quibus Idolum, fortasse nimirum Bacchus ipse, Pantherae gradienti impositum conspicitur. Celebre autem est Pantheras Baccho sacras fuisse, non modo quod ille a Panthera nutritus diceretur; verum etiam quod Pantherae vino delectari crederentur: unde ab Oppiano Poeta Cilice (c) *θηρες φιλάκρατοι* *ferae meri amantes* vocantur; atque a Philostrato (d) *Πάρδαλις τῷ Διονύῳ* *σύμβολον* *Panthera Bacchi symbolum* appellatur.

§. V.

(a) Spanh. diff. VIII. pag.

482. Beger. T. III. p. 8. Gess.

Tab. II. n. 26.

(b) Pag. 1303.

(c) Cyneget. Lib. IV. ver.

19. 327. &amp; III. ver. 78.

(d) In Imag. Lib. I. n. 15.

P. 786.



## §. V.

*Arsames, alique Armeniae Reges  
Vaillantio incogniti  
proferuntur,  
& varia Scriptorum loca,  
Urbiumque Graecarum Nummi  
illustrantur.*

**E**Rit fortasse quispiam, qui aut *Regis* nomen, aut *cidarim* Persicam *Arsami* Cilicum Satrapae concedi non posse arbitretur; adeoque potius *Arsamem* alium inquirendum esse contendat, cui *Nummus* a Cl. Froelichio vulgatus adscribi debeat. Non is profecto ego sum, qui in tanta rerum obscuritate novum hunc Regem perspicue certoque deprehendi posse confidam; cum semper *Arsames* alius inquirei fortasse possit, cui *Nummus* ille conveniat. Libuit tamen hic humanis aequisque lectoribus *Arsamem* alium *Armeniae* Regem *Froelichio*, ceterisque incognitum proponere; non modo ut feliciores alii decernant an ipsi potius, quam *Cilici*, *Froelichii* *Nummus* tribui possit; verum etiam ut varia *Scriptorum* loca, atque *Urbium Graecarum* *Nummi* opportune illustrentur.

Atque, ut ab *Arsame* *Armeniae* Rege exordiar, *Poliaenus* (a) ubi de bello loquitur, quod inter *Antiochum Hieracem*, eiusque fratrem *Seleucum Callinicum* *Syriae* Regem exarserat, ait: Ἀντίοχος Σελεύκῃ τῇ ἀδελφῇ ἀποσὰς ἔφυγεν εἰς τὴν μέσιν τῶν ποταμῶν. ὅτε ( sive ut in codicibus aliis legitur ὅσῃ ) καὶ αὐτὸν

H

τὰ

(a) *Strategem. Lib. IV. c. 17.*



τὰ τῶν Ἀρμενίων ὄρη διελθόντα φίλος ὢν Ἀρσάβης ὑπεδέξατο Antiochus, cum a Seleuco fratre defecisset, in Mesopotamiam fugit, eumque Armeniae montes transgressum Arsabes ipsius amicus excepit. Arsabem hunc non privatum, sed Regem aliquem esse oportere Casaubonus, aliique Poliaeni interpretes agnoverunt; sed illi tamen hunc Regem non in Armenia, sed in Cappadocia, quaerendum esse putarunt; ideoque in Poliaeni textu non Arsabem, sed Artamenem, aut potius Ariamnem Cappadociae Regem intelligendum esse Iustini testimonio freti contendunt. Etenim Iustinus (a) easdem illas fraternas discordias memorans ait: *Fratres in mutuum exitium bellum reperiunt; in eo Antiochus denuo victus multorum dierum fuga fatigatus tandem ad socerum suum Artamenem Regem Cappadociae provehitur. Interiectis diebus, comito quod sibi infidiae pararentur, salutem fuga quaesivit... ad Ptolemaeum Aegypti Regem hostem decurrit, ab artificissima custodia elabitur, fugiensque a latronibus interficitur. Seleucus quoque iisdem ferme diebus, amisso regno, equo praecipitatus finitur.*

Ego vero Poliaeni verba neque ad Ariamnem Cappadociae Regem referri, neque Arsabem Poliaeni cum Ariamne Iustini confundi posse putaverim. Etenim Poliaenus nitide, diserteque testatur quod Antiochus ab Arsabe exceptus fuit, cum is e Syria in Mesopotamiam fugiens Armeniae quoque montes transgressus erat; ideoque demonstrat quod ille ex Mesopotamia non in Cappadociam, sed in Armeniam, quae a Tauro, Masio, & Niphate monte a Mesopotamia dirimitur (b), convolvit. Ergo Arsabes ille, qui Antiochum ex Mesopotamia Armeniae montes transgressum excepit, non Cappadociae, sed Armeniae, Rex erat. Deinde vero, si Iustinus ipse cum Poliaeno conferatur, dubitari certe vix poterit quin a Scriptoris illis distincta prorsus ac varia Antiochi fuga memoretur. Poliaenus enim asserit quod

(a) Lib. XXVII.

(b) Strab. Lib. XI. p. 527.

quod Antiochus in Armeniae montibus receptus, quamvis ab innumeris Seleuci copiis premeretur, eas tamen ingenti clade disiecit, καὶ σχῆμα τὸ βασιλεῖον ἀναλαβὼν ἐπεφάνη δείξας αὐτὸν καὶ ζῶντα, καὶ νικῶντα regium habitum recipiens apparuit, se vivum, ac victorem ostendens; idque Poliaenus in prima potius Antiochi defectione contigisse subindicat, quae proxime ad annum V. C. 510. referri debet. Iustinus autem asserit quod Antiochus in Cappadociam reparato bello, & denuo victus, tertio nimirum deficiens, concessit paullo ante quam e vivis excederet, sive annum 527. quo Seleucus eius frater interiit. Ergo Arsabes ille a Poliaeno memoratus non in Cappadocia, sed in Armenia imperavit; eumque non alio, quam Regis, titulo decoratum fuisse eximio quoque Diodori, ac Polybii loco deprehendi potest, quo perspicue erudimur iis temporibus in Armenia Reges imperasse.

Certe Diodorus (a) ubi Cappadocum Regum seriem, atque historiam contexuit, memorat Ariarathem Cappadociae Regem anno 2. Oly. CXIV. ab Eumene Macedonum duce superatum, & occisum esse (b); eiusque filium Ariarathem, qui in Armeniam fugerat, post Eumenis, ac Perdiccae mortem copiis ab Ardoate Armeniae Rege acceptis paternum Armeniae regnum recuperasse. Deinde narrat Diodorus Ariamnem Ariarathis huius filium Ariarathi filio suo Stratonicem Antiochi Dei filiam uxorem quaesivisse; quemadmodum Ariarathes alius eius filius Antiochidem Antiochi filiam duxit, ex qua Mitbridatem, alioque nomine Ariarathem & ipsum quoque Cappadociae Regem suscepit. Coniugium autem ipsum ab hoc Ariarathe cum Antiochide Antiochi filia initum Appianus (c) etiam memoravit; idque contigisse dicit postquam Annibal ad Antiochum confugerat, isque bellum adversus Romanos meditabatur;

H 2

(a) Lib. XXXI. ecl. 3.

(b) Diod. Lib. XVIII. c. 16.

&amp; Appian. Syr. p. 175.

(c) Syriac. pag. 88.

tur; ideoque, ut Eumenem quoque Pergami Regem sibi devinciret, filiam reliquam ipsi despondit, quam tamen Eumenes Romanis addictus ducere recusavit.

Eiusmodi vero connubiorum historia splendidam, plane faciem suppediat, qua obscurior quidam Polybii locus intelligi profecto possit, qui non Harduino solum, sed ipsi quoque Froelichio facile imposuit. Narrat Polybius (a) quod cum Antiochus quidam obsidere moliretur Ἀρμωσατα *Armosata*, ἢ κεῖται πρὸς τῷ καλῷ πεδίῳ καλεσμένῳ μεσὸν Εὐφράτη, καὶ Τίγριδος, quae urbs media inter Euphratem, ac Tigrim sita est, in campo, qui pulcher vocatur, Xerxes ipsius Urbis rex initio quidem fugere constituerat; deinde vero veritus ne capta regia universum quoque regnum ab hostibus diriperetur, Antiochum Regem adivit, ut pacem cum illo componeret. Quamvis autem Antiocho amici suadere niterentur ne Xersem Regem adhuc aetate florentem dimitteret; sed potius Armeniae regnum ipsi ereptum Mithridati, qui ex Antiochi sorore natus erat, tribueret; Antiochus tamen non modo Xerxi regnum restituit, maximam tributorum partem, quae sibi a Xerxis patre debebatur, condonavit, sed insuper etiam Antiochidem sororem suam ipsi nuptui concessit. Perspicuis his characteribus manifestissime apparet quod Antiochus ille, qui Antiochidem sororem suam Ariarathi Cappadociae Regi desponderat, & sororem aliam, quae fortasse Eumeni Regi destinata fuerat, Xerxi Armeniae Regi concessit, non alius profecto fuit, quam Antiochus cognomento *Magnus*, qui in Syria ab anno V. C. 530. ad annum usque 566. regnavit, ac bellum adversus Romanos anno V. C. 560. moliri coepit. Ergo Xerxes Armeniae Rex circa annum ipsum V. C. 560. adolescens adhuc florebat.

Exinde vero deprehendi facile poterit Cl. Froelichii error, qui superiorem Polybii locum de Xerse celebri

(a) Excerpt. de Virt. p. 1380.



lebrī illo Persarum Rege intellexit. Etenim, cum prius *Arsamosata* Armeniae urbem a Tacito, & Ptolemaeo memoratam ab *Arsame* Darii patre, sive potius a Dario Arsamis filio conditam, aut nomen sortitam coniecisset (a), mox coniecturam illam *ratione temporis*, & *nominis causa* refelli dixit (b): quod nimirum ex Polybio urbs illa iam *Xerxis tempore*, ideoque ante Arsamem Darii Codomani patrem, extabat; eaque non *Arsamosata*, sed *Armosata* vocaretur. Sed de vero quidem urbis nomine inferius differetur; de tempore vero, quo Xerxes ille a Polybio memoratus regnavit, ambiguum illud *Xerxis* nomen doctissimo Viro fraudi fuisse iam vidimus, ut illum ab anno V. C. 560. ad 274. revocaret. Interim vero id veluti certum, atque exploratum constitui iam poterit quod circa annum ab V. C. 450. *Ardoates*, circa 510. *Arsabes*, circa 560. *Xerxes* in Armenia imperabat; & quemadmodum Ardoates, & Xerxes perspicue diserteque a Scriptoribus Reges vocantur, ita quoque titulus ipse Arsabi concedi debet; nihilque esse potest quin Ardoates Arsabis, & Arsabes Xerxis pater dicatur. Itaque, licet Vaillantius (c) Armeniae regnum ab Artaxia, & Zadriade institutum asserat, idque Vaillantio duce ego quoque iam dixerim, perspicuum est tamen quod antiquiores Reges alii Vaillantio prorsus incogniti in Armenia imperarunt; ideoque facile, Xerxe Rege, vel defuncto, vel expulso, Armenia ab Antiocho Magno occupata fuit; moxque Artaxias, qui ipsi praefectus fuerat, ab Antiocho Rege deficiens regnum sibi vindicavit, quod prius Arsabes avito, ac haereditario iure obtinuerat, & Xerxi fortasse filio reliquit.

Atque haec hactenus quidem hunc Regem a Poliaeno memoratum ego quoque vulgatum Poliaeni textum sequutus *Arsabem* appellavi. Sed nullus fere nunc dubito,

(a) Pag. 26.

(b) Pag. 27.

(c) Pag. 399.

ro, quin ille vero, suoque nomine *Arsames* appellari iam debeat. Etenim in pluribus aliis Poliaeni locis ubi depravate nunc legitur Ἀρσάβης *Arsabes*, ubique sane Ἀρσάμης *Arsames* restitui debet; neque aliunde error in Poliaeni textum saepius irrepsit, nisi quod ex affini litterarum sono exscriptores ubique *Arsabem* pro *Arsame* exararunt. Certe Poliaenus (a) *Arsamis* Persarum Satrapae Strategemata exponens ipsum quinquies *Arsabem* appellavit; cum tamen ille *Arsames* vocandus esset, non modo quod Vulteius Interpres *Arsamen* in suo Codice legerat, & *Arsamis* nomen in Capitum indicē, qui Poliaeni Libro praefigitur, exprimitur; verum etiam quod idem ille Satrapa ab Herodoto non alio, quam *Arsamis*, nomine designatur. Quemadmodum ergo in iis Poliaeni locis solo Scriptorum vitio *Arsabes* nomen pro *Arsame* semper irrepsit; ita quoque vix ullus dubitandi locus supererit quin in superiori quoque Poliaeni loco pro *Arsabes* verum *Arsamis* nomen restitui debeat; ut proinde novus alius *Arsames* habeatur, cui facile Froelichii Nummus Persica vel Armeniaca tiara insignis concedi, & *Arsamosata*, urbis nomen, aut ab illo, aut ab alio ipsi cognomine deduci possit.

Ac certe quidem quod urbs illa, in qua Xerxes Antiochi tempore degebat, non *Armosata*, sed *Arsamosata* vocanda sit, ex Ptolemaeo (b), & Tacito (c), perspicue apparet, a quibus nitide constanterque *Arsamosata* vocatur; quemadmodum Tacitus ipse *Arsamei*em Armeniae fluvium semel iterumque memorat, qui facile ab *Arsame* quodam nomen obtinuit, sicuti *Cambyses* fluvius, & *Cambyse* regio a *Cambyse* nomen acceperat. Quinetiam vetus ipsa Pliniani (d) codicis lectio facilius hoc nomen confirmat, cum ibi *Arsamote* legatur: quae sane vox ad *Arsamosata*, quam ad *Arsamota*, propius accedit. Harduinus quidem hunc Plinii locum

inge-

(a) Libr. VII. c. 28.

(b) Geogr. Lib. V. c. 13.

(c) Annal. Lib. XV. c. 10.

(d) Libr. VI. c. 9.

ingenio suo refingit, ibique *Armosata* legendum asserit: non modo quod urbs illa sic a Polybio vocetur; verum etiam quod in Mediceo M. Aurelii Antonini Nummo ΑΡΜΟΣΑΙΤΤΗΝΩΝ legatur. Sed, quod ad Polybii locum attinet, ego plane non video cur ipsius textus constanti Ptolemaei, Taciti, ac Plinii quoque testimonio praeferrī debeat; cum praesertim suspicari fortasse quis possit *Armosata* Polybii ab *Arsamosatis* Taciti distinguī posse. Certe Plinius asserit *Arsamoten Euphrati proximum* oppidum fuisse, *Tigri Carcahiocerta*; Ptolemaeus autem *Arsamosata* prope Taurum montem inter Euphratem, & Tigridem, ac Polybius inter amnes illos veluti mediam collocavit; unde, sicuti in Armenia ipsa tum *Artaxata*, tum *Artaxiasata* distinctae prorsus urbes habebantur (a), ita quoque facile tum *Armosata*, tum *Arsamosata* reperiri poterant; ut proinde nihil in Taciti, ac Ptolemaei textu corrigi possit, aut certe *Arsamosata* Armeniae urbs expungi non debeat. Gravius est certe quod Holstenius, Spanhemius (b), Cellarius (c), atque Harduinus ipse ex M. Aurelii Nummo deduxit, in quo legendum putaverant ΑΡΜΟΚΑΙΤΤΗΝΩΝ, sive ΑΡΜΟΚΑΤΤΗΝΩΝ; quamvis Harduinus hunc Nummum ideo sibi suspectum fuisse dixerit (d) quod M. Antoninus Armeniam, aut Orientem non vidit, sed L. Verus frater, qui ex ea causa ΑΡΜΕΝΙΑΚΟΣ, ΠΑΡΘΙΚΟΣ appellatur; Marcus autem Antoninus GERMANICUS, & SARMATICUS tantum, ex Occidente non progressus. Quo certe loco, ut id obiter moneam, Harduinus praeconcepit iam opinionis studio ita abripitur, ut in his omnibus perspicue aberret. Quis enim ignoret Nummos Caesaribus ab iis etiam Urbibus cudi consuevisse, quas ipsi nunquam inviserant; adeoque prorsus immerito *Arsamosatenorum* Nummum ideo in dubium

(a) Strab. Lib. XI. p. 528.

(b) Pag. 903.

(c) Geogr. antiq. Tom. II. p. 329.

(d) Emend. ad Plin. Lib. VI. n. 32.



bium vocari quod M. Aurelius nunquam Armeniam, aut Arsamosatenorum urbem inviserit? Ubi vero mox subdit Harduinus quod Lucius quidem *Armeniacus*, & *Parthicus*, sed M. Aurelius tamen *Germanicus*, & *Sarmaticus* TANTVM appellatur, plurimis certe Lapidibus, ac Nummis ille revinci potest, in quibus M. Aurelius ipse *Armeniacus* (a), *Armeniacus Parthicus* (b), *Armeniacus Medicus Parthicus* (c) vocatur; ac, ne exemplis ipsis hic immorer, quorum pleraque Harduini quoque temporibus vulgata fuerant, ipso quoque Capitolini (d) testimonio deprehendisse poterat Harduinus quod M. Aurelii Antonini, & L. Veri auspicio gestae sunt res in Armenia prospere per Statium Priscum Artaxatis captis, delatumque Armeniacum nomen VTRIQUE Principum. Quamvis tamen hic Aurelii Nummus, qui temere ab Harduino, levibusque solum, ac falsis indicis in dubium revocatur, sincerus sit; nihil est tamen quod ex illo exculpi possit ut Armeniae urbis nomen ab Harduino propositum, atque emendatio in Plinii textu ab illo tentata defendatur. Etenim, ut Vaillantio (e) duce Harduinus ipse iam noverat, in M. Aurelii Nummo non APMOCATTHNON, sed CAITTHNON. EPMOC *Saittenorum*. *Hermus* legi debet; ideoque Nummus non ad Armeniam, sed ad Saittenos *Saittes* in Lydia urbis cives Hermo fluvio proximos, referri debet; & quidquid in superiori Plinii loco Harduinus adnotaverat, perspecto iam ipsius aliorumque errore expungendum erit. Haec autem omnia opportune observavi non ut quidpiam Cl. Harduino, admirabilis certe ingenii Viro, detractum velim; sed ut verum urbis nostrae nomen a Tacito, Ptolemaeo, & Plinio propositum asseratur; simulque exemplis etiam istis appareat

(a) Vid. Musc. Theup. p. 190.  
194. 309. Gesn. Tab. CV. n. 45.

46. 47.

(b) Musc. Theupol. p. 195.  
569.

(c) Gruter. pag. 258. 260. &  
Murat. p. 240. 241.

(d) In Marco.

(e) Numm. Graec. pag. 56.

reat quam facile profecto sit in obscurioribus hisce Nummis explicandis aberrare; ubi praesertim peculiaris quaedam opinio praeconcepta iam fuerit, quae tacito quodam pondere abripiat ut ad illam uberius asserendam plurima, quamvis mire dissita, referantur.

Illustre vero exemplum unum, aut aliud asserere nunc libet, ut Graecae quaedam urbes haecenus incognitae Nummorum praesidio demonstrantur, eiusque industriae, ac laboris specimen aliquod habeatur, quo iam pridem centum fere & quinquaginta Graecas urbes alias inveni, quarum Nummi in Libris editi reperiuntur; ac ipsarum tamen nomen in accurata Populorum, ac urbium serie ab Harduino contexta desideratur.

Eruditissimus D. Cary ita novam Regum illorum seriem, qui in Thracia, & Bosphoro Cimmerio imperarunt, disposuit, ut in eximio prorsus ipsius Opere, quod superiori anno 1752. in lucem prodiiit, siue penitioris historiae cognitionem, siue Nummorum peritiam, siue nitorem, & elegantiam spectaveris, nihil prorsus optari possit. Etenim singulos Regum illorum Nummos mire haecenus confusos nitida certaue serie digessit, brevemque ipsorum historiam accurate nobis exposuit. Itaque, cum is ad Cotym V. Thraciae Regem pervenit, singularem plane Nummum exhibuit (a) cuius cotypam imaginem a Cl. Richtero Electoralis Saxonicæ Musei Praefecto acceperat, quippe qui Nummum ipsum vel ad Cotym V. vel ad cognominem alium Thraciae Regem spectasse crederet. Ac certe in antica Nummi facie Bacchi caput hedera coronatum conspicitur; in adversa vero Hercules stans clavam dextra demissam sustinens. In dextra huius areae parte litteris superne descendantibus legitur XAPAKTH, in sinistra KOTYOC. Quamobrem, cum Cl. Editor observasset utrumque Nummi typum eadem prorsus forma in Thasiorum Nummis occurrere, ac Thasum in-

I

sulam

fulam Thraciae proximam, Thracumque Regum imperio subiectam fuisse, felici nativaeque coniectura deduxit quod Nummus ille in Thaso insula percussus, eique Cotyos in Thracia, ac Thaso imperantis nomen inscriptum fuerit. Hinc vocem aliam ita perspicue certoque supplendam asserit, ut in ipsa legatur XΑΡΑΚΤΗΡ ΚΟΤΥΟC; perinde quasi diceretur *Nummus Cotyis*, vel *Moneta Cotyos*, sicuti in Romanis Nummis saepissime legitur *Moneta Augusti*, *Moneta Caesaris*, *Moneta Urbis*.

Si tamen quidpiam doctissimi Viri sententiae reponere liceat, eximium hunc Nummum neque ad Thasios, neque ad Cotyn ullum Thraciae Regem; sed ad *Chabaſten* Ponti, vel *Amisena* regionis urbem spectasse censeo. Ac initio quidem observari velim quod solo ΚΟΤΥΟC nomine, ubi tum Regis titulus, tum effigies omittatur, non Rex, sed Magistratus aliquis facilius indicatur. Optime quidem novi quod in aliis etiam Regum horum Nummis a Cary quoque prolatis non aliud, quam ΚΟΤΥΟC *Cotyos*, & ΣΕΥΘΟΥ *Seuthis* reperitur, iique Nummi ad eiusmodi nominis Reges referri debent. At in iis non solum, purumque nomen, sed ipse quoque Regum vultus, aut caput diademate ornatum conspicitur, eoque indicio, vel nota satis exprimitur quod illa nomina non ad alios, quam Reges ipsos, referri debent. Ubi vero solum nomen occurrat, quis ad Regem potius, quam ad Magistratum, referendum esse demonstret? Certe in Cumaeorum Nummo (a) legitur ΣΕΥΘΗΣ, in Lacedaemoniorum (b) ΑΓΕΣΙΑΛΑΟΣ, in Achaeorum (c) ΠΑΝΔΙΟΝΟΣ, nec tamen ullus, opinor, ibi *Seuthem*, aut *Agefilaum*, aut *Pandionem* Regem agnoscet. Deinde vero quis insolita phrasi, quae sane nusquam alibi occurrit, *characteris* nomine *Monetam* exprimi, aut in Graecis Num-

mis

(a) Mus. Theupol. p. 1261.

(b) Gein. Tab. 37. n. 9.

(c) Tab. XIV. num. 3.



mis *Monetae* nomen ipsius symbolis destitutum supponat; praesertim cum in Latinis *Monetae* quidem nomen, sed una quoque *Monetae* Deae vultus, eiusque symbola occurrant? Denique in singulis Thasiorum Nummis insulae, aut urbis nomen exaratum conspicitur; nihilque causae esse potuit cur in nostro Nummo in ea areae parte, quae vacua erat futura, *character*, insueta nempe, ac inutilis vox, insculperetur; insulae vero nomen, aut certe *Regis* titulus omitteretur. Ergo, nisi mea me fallit opinio, levi facilique mutatione vel XABAKTH, vel XABAKTHΣ legi debet; eoque nomine non aliud, quam urbs illa designatur, in qua Nummus cusus fuit.

Eiusmodi vero Graecam urbem Scriptoribus omnibus ignoratam in Ponto prope Amisum collocandam esse ex aliis ipsius Nummis observavi. Etenim Haymus (a), & ex illo Gesnerus (b) Nummum profert, in cuius antica parte scutum octogonum squammis contextum, ac puellae faciem in umbilico exhibens reperitur; in adversa vero Victoria gradiens sinistra palmae ramum humero impositum, ac dextra coronam gerens cum epigraphe XABAKTΩ. Cum uterque typus etiam in Amastridis, Sinopes, & Amisi Nummis occurrat, nullus dubito quin *Chabaete* urbs aliarum instar in Ponto collocanda sit. Idem prorsus ex alio Nummo deduci debet, in cuius principe parte caput viri galeatum, in adverso clava erecta cum vinculo, & epigraphe XABAKT. Itaque, cum eadem Nummi facies, ac typus in Amisi Nummo apud Gesnerum (c) habeatur, urbs *Chabaete* non alibi, quam in Ponto, agnosci poterit; cum praesertim Strabo (d) in Amisena Ponti regione XABAKA urbem memoraverit; ideoque in ipsius textu vel *Χαβακην* vel *Χαβακτα* rescribi possit,

I 2

(a) Tom. II. pag. 140.

(b) Tab. 83. n. 14.

(c) Tab. IX. n. 6.

(d) Libr. XII. p. 548.

fit, ut ipsius textus cum nomine tribus hisce Nummis inscripto conspiret. Quandoquidem vero Chabacte non in Thracia, sed in Ponto reperiebatur, exinde quoque apparet quod *Coryos* nomen non Thraciae Regem, sed urbis Magistratum significat; quemadmodum prorsus in plurimis aliarum urbium Nummis, ut Apamaensium, (a) Agyrinaeorum (b), & Epirotarum (c) Magistratus nomen sine ullo titulo, vel dignitatis nota, & patrio quidem casu saepius exprimitur. Quod vero Bacchus, & Hercules huic Nummo insculpti fuerint, id unum ostendit quod Heroes illi, vel Dii in Amisena regione, vel Ponto colebantur, non vero quod Nummus ipse ad Thasios referri debeat; cum praefertim eadem Bacchi (d) facies hederacea corona insignis in Hispanicae quoque urbis Nummo occurrat; eiusque cultus in singulis fere regionibus floret.

Quemadmodum vero superior Nummus Graecae urbis nomen leviter depravatum exhibet; ita quoque, si nomen huic alteri inscriptum rite emendetur, duas urbes alias ostendet, quae ceteris adiungantur. In Museo Muselliano (e) argenteus Nummus occurrit, in cuius antica parte caput mulieris turritum, in adversa spica erecta conspicitur cum epigraphe ΑΡΤΑΚΛΙΩΝ ΜΗΤΡΟΠΟΛΕΩΣ. Editor interpretatur *Metropolis Artacleorum*, quamvis in titulo legisset *Artachu*, & Cl. Maffei (f), qui similem Nummum in Gallia viderat, ipsum ad *Artacam* Parthiae urbem spectasse coniecit, quae ab Arriano (g) *Artacoana* vocatur.

Ego vero vix dubitem legendum esse ΑΡΤΑΚΛΙΩΝ, ideoque hunc Nummum ad *Artacem* Phrygiae urbem,

ac

(a) Gesn. Tab. X. n. 32.

(b) Tab. I. n. 20.

(c) Tab. XI. num. 1. 2. cc.

(d) Gesner. Tab. 25. n. 13.

(e) Tab. IV. n. 9.

(f) Antig. Gall. pag. III.

(g) Libr. III. c. 25.

ac Mileſiorum coloniam Straboni (a), & Stephano memoratam referendum eſſe. Quamvis enim eius civis apud Stephanum Ἀπρανέως, vel Ἀπραννός, vel Ἀπρανίος vocetur; facile tamen Ἀπρανάιος etiam vocari ille potuit; quemadmodum gentilia haec nomina Nummis inſculpta a Stephani legibus ſaepius abludunt. Longe difficilius foret exponere cur *Artace* ipſa Cyzicenae regionis urbs *Metropolis* appelletur. Facile tamen aut *Metropolis* urbis honorem huic aliquando conſeſſum ſuſpicari quis poſſit; aut certe potius cenſere *Metropolis* nomine urbem aliam indicari, quae cum *Artace* ſocietatis foedere coniuncta foret. Ac certe quidem in Phrygia ipſa urbem quandam *Metropolis* nomine vocatam reperiri teſtatur Strabo (b), Athenaeus (c), Plinius (d), ac Stephanus, qui duas cognomines urbes in Phrygia memorat; quatum tamen altera non ad Phrygiam, ſed ad Ioniam, ſive Lydiam ſpectavit. Phrygiae huius *Metropolis* Nummus ab Holſtenio exhibetur cum turrito Matris Deum capite, & epigraphe ΜΗΤΡΟΠΟΛΕΩΣ ΙΕΡΑΣ *Metropolis Sacrae*. Itaque, niſi *Metropolis* nomine *Artaces* titulus intelligatur, in hoc uno Muſellii Numismate duarum Graecarum urbium nomina exſculpi poterunt.

In eodem illo Muſeo (e) Nummus aereus exhibetur, in cuius antica parte caput laureatum, in adverſa equus ſtans ſiniſtro pede anteriori elato: prope cololum palmae ramus e terra aſurgens; in dextra gyri parte ΑΝΙΝΗΣΙΩΝ, hoc eſt, ut Cl. Editor interpreta-  
tur, *Anineſiorum*.

Quum urbis huius nomen prorsus incognitum ſit, ſuſpicio aut in Nummo, aut in ipſius imagine men-  
dum

(a) Libr. XII. p. 576.

(b) Loc. cit.

(c) Lib. XIII. c. 4.

(d) Lib. V. c. 29.

(e) Tab. IV. num. 4.



dum aliquod irrepſiſſe, adeoque facile legendum eſſe AMNHΞION *Amneſiorum*; ut proinde Nummus ipſe ad *Amniſum* Cretae urbem referatur. Etenim, licet urbs illa ab Homero (a), Pauſania (b), Apollonio (c), Strabone (d), & Stephano Αμνισός *Amniſus* vocetur, facile tamen a Scriptoribus aliis, atque incolis Αμνησός *Amneſus* appellari illa potuit. Certe Homerus, Apollonius, & Strabo *Eilithyam*, ſive *Lucinam* ibi natam, aut cultam eſſe teſtantur. At Nonnus (e) hoc ipſum memorans *Amneſſum* urbem vocavit:

Α'λλ' ὅτε Δικταίνης κορυβαντίδος ὑψόθι πέτρης  
Γείτονος Αμνησσοῖο λεχάσιον ἔδρακεν ὕδωρ.

*Sed poſtquam Dictaeae Corybantem ſuper petram  
Vicini Amneſſi puerperiam vidit aquam.*

Ita prorsus Heſychius *Eilithyam* ipſam non *Amniſiam*, ſed *Amneſiam* vocatam fuiſſe dicit; Αμνησία. ἢ Εἰλιθυα. Itaque, ſi urbs ipſa fluvio, portu, ac *Lucinae* fano celebris Αμνησος aliquando vocata fuit, eius cives Αμνησιοι vocandi ſunt, idecque Nummus cum epigramhe AMNHΞION ad illos referendus erit.

Haymus (f), & Geſnerus in *Virorum Illuſtrium* (g) Nummis exhibent Nummum, in cuius priori facie viri vultus cum galea criſtata conſpicitur, in adverſa parte hircus ſtans cum epigramhe ΣΑΜΑΙΩΝ; idemque Nummus etiam in Muſeo Theupolo (h) deſcribitur, ibique *Samiorum* Nummus vocatur. At Nummus ille non ad

Sa-

(a) Odyſſ. L. XIX. v. 188.

(b) Attic. c. 18.

(c) Lib. III. v. 875.

(d) Lib. X. pag. 328.

(e) Dionyſ. Lib. VIII. ver.

114.

(f) Tem. II. pag. 72.

(g) Tab. II. num. 20.

(h) Pag. 1292.

*Samum* insulam, eiusque urbem *Samon*, sed ad *Cephalleniam*, vel *Samen* insulam referri debet, cuius princeps urbs erat *Same* a Thucydide (a), Livio (b), Plinio (c) memorata. Quemadmodum ergo urbs illa a Plinio, ac Livio *Same*, ita eius cives a Thucydide *Σαυαῖοι*, a Livio *Samei* vocantur; ideoque Nummus iste ad *Samios* referri certe non poterit, quorum Nummi diverso profusustypo, veroque ΣΑΜΙΩΝ *Samiorum* nomine distinguuntur. Ita prorsus ad hanc ipsam *Samen* referendum arbitror Nummum, qui a Goltzio, Harduino, & Gesnero (d) ad *Samios* revocatur. In antica eius facie viri barbati vultus conspicitur cum epigraphe CAMEIΩΝ ΔΗΜΟC; in adversa Mercurius caduceum sinistra, dextra marsupium tenens cum vocibus in gyrum dispositis ΕΠΙ ΛΙ-ΑΝΔΡΟΥ ΙΕΡΕΩC; quod nimirum Urbs illa *Sacerdotis* *Samen* Nummis inscriberet, ac Mercurium emporii praesidem veneraretur. Quamvis autem *Samei* urbe diruta a M. Fulvio Consule sub corona venierint, adhuc tamen Plinii aetate tria oppida habebant; ideoque in Nummo *Δῆμος Σαμείων* *Populus Samacorum* vocatur.

Denique inter alios Antiochi Commagenorum Regis Nummos unus habetur (e) cum epigraphe ΛΑΚΑΝΑΤΩΝ circa *Scorpium*, consuetum nempe Commagenorum insigne, disposita. Nullus hic dubito quin urbis alicuius Scriptoribus omnibus incognitae nomen ibi delitescat. Quandoquidem vero in Antonini Itinerario semel iterumque ponitur (f) *Lacotena*, quae a Samofatis, principe Commagenes urbe, 50 passuum millibus distabat, fortasse in Antonini, & Ammiani (g) quoque textu pro *Lacotena* rescribi poterit *Lacanate*, seu *Lacanate*.

Sed

- (a) Lib. II. c. 30.
- (b) Lib. XXXVIII. c. 28. 29.
- (c) Lib. IV. c. 19.
- (d) Tab. LIX. num. 3.
- (e) Haym. Tom. I. pag. 110.

- Gesn. Reg. min. Tab. I. n. 23.
- Mus. Theup. p. 1202.
- (f) Pag. 210. 215.
- (g) Libr. XXI. c. 41.

Sed a Minnifari , aliorumque Regum Nummis, quos illustrandos susceperam , longius fortasse, quam par fuerat , aberravi . Itaque manum e tabula iam retraham , cetera opportunius traditurus ubi integram illam urbium Graecarum seriem exponam , quarum Nummi Harduino incogniti ex variis Scriptoribus affulserunt.

*F I N I S .*



























COR

DE

M III

+ colorchecker classic

calibrite



100mm